

摘藻堂四庫全書薈要

史部

欽定四庫全書薈要卷八千九百五十

史部

通志卷五十一

宋 右迪功郎鄭樵 漁仲 撰

職官略第一

官制總序

伏羲氏以龍紀故以龍名官共工以水紀故以水名官  
神農氏以火紀故以火名官黃帝氏以雲紀故以雲名  
官少昊摯之立也鳳凰至故爲鳥紀而以鳥名官鳳鳥

氏歷正也玄鳥氏司分也伯趙氏司至也青鳥氏司啓也丹鳥氏司閉也祝鳩氏司徒也鵙鳩氏司馬也鳴鳩氏司空也爽鳩氏司寇也鵲鳩氏司事也五鳩聚民者也五雉爲五工正九扈爲九農正自顓帝以來不能紀遠乃紀於近爲民師而命以民事又有五行之官是謂五官社稷五祀是尊是奉春官木正曰句芒夏官火正曰祝融秋官金正曰蓐收冬官水正曰玄冥中官土正曰后土唐堯之代分命羲和欽若昊天歷象日月星辰

以授人時內有百揆四岳外有州牧侯伯虞舜氏有天下以禹作司空使宅百揆棄作稷官播百穀契作司徒敷五教皋繇作士正五刑垂作共工利器用益作虞育草木鳥獸伯夷秩宗典三禮夔典樂教胄子和神人龍作納言出納帝命蓋亦爲六官以主天地并四時也夏后之制亦置六卿其官名次猶承虞制商人制天子建天官先六太曰太宰太宗太史太祝太士太卜典司六典天子之五官曰司徒司馬司空司士司寇典司五衆



天子之六府曰司土司木司水司草司器司貨典司六職天子之六工曰土工金工石工木工獸工草工典制六材五官致貢曰享五官之長曰伯千里之內爲王畿千里之外設方伯五國以爲屬屬有長十國以爲連連有帥三十國以爲卒卒有正二百一十國以爲州州有伯八州八伯五十六正百六十八帥三百三十六長八伯各以其屬屬於天子之老二人分天下以爲左右曰左右伯周成王參改商官制爲周禮以作天地四時之

名謂之六卿立天官冢宰掌邦治地官司徒掌邦教春  
官宗伯掌邦禮夏官司馬掌邦政秋官司寇掌邦刑冬  
官司空掌邦事各有徒屬用於百事歲終天子齊戒受  
諫六卿以百官之成質於天子百官齊戒受質然後休  
老勞農成歲事制國用自周衰官失而百職亂戰國並  
爭各有變易秦始皇兼天下建皇帝之號立百官之職  
不師古始罷侯置守太尉主五兵丞相總百揆又置御  
史大夫以貳於丞相漢初因循而不革隨時宜也其後

頗有所改

大司馬左右前後將軍侍中常侍散騎諸吏為中朝丞相以下至六百石為外朝

王

莽篡位慕從古官而吏民皆弗便光武中興務從節約

并官省職費減億計

後漢建武六年詔曰百姓遭難戶口耗少而官吏尚繁於是司隸州

牧條奏并省四百餘縣吏職減損十置其一

廢丞相與御史大夫而以三司

綜理衆務泊于叔世事歸臺閣論道之官但備貲而已

魏與吳蜀多依漢制晉氏繼及大抵畧同

山公啓事曰晉制諸坐公

事者皆三年乃得敘用其中多有好人今逍遙無事臣以為畧依左遷法隨資裁減之亦足懲戒又傳玄議曰諸官有病滿百日不差宜令去職既差復用太元六年改制減費損吏士職

員凡七百人

半時議省州郡縣吏以赴農功

爰及宋齊亦無改作

宋時新制

長吏以父母疾去官禁錮三年陰令沈叔任父疾去職御史中丞鄭鮮之上議曰所以為其制者莅官不久

則奔競互生故杜其欲速之請以申考績之實耳今父母之疾而加以罪名損義疾理莫此為大詔從之於是

自二品以上父母及為祖父母後者墳墓崩毀及疾病親屬輒去並不禁錮又劉祗為中書郎江夏王義恭領

中書監服親不得相臨表解職也孝武詔曰昔二王兩謝俱至宗禮自今三臺五省悉同此例又詔曰方鎮所

假禮白郡縣年限依臺除官司有三臺五省之號三臺食祿三分之一不給送

漢舊名五省謂尚書中郡縣有三歲為滿之期宋州郡書門下祕書集書省也

以三周梁武受終多遵齊舊然而定諸卿之位分配四為小滿

時置戎秩之官至百有餘號陳遵梁制不失舊物焉後  
魏昭成之即王位初置官司分掌衆職然而其制草創  
名稱乖疎皇始元年道武平并州始建臺省置百官封  
公侯將軍刺史太守尚書郎等官悉用文人天興中太  
史言天文錯亂當改王易政故官號數草

初道武制官皆擬遠古雲

鳥之義諸曹走使謂之鳬鴈取其延頸遠視他皆此類至孝文

太和中王肅來奔為制官品百司位號皆准南朝改次

職令以為永制

凡守令以六年為滿後經六年乃敘

又作考格以之黜陟

太和十八年詔曰古者三載考績三考黜陟朕今三載一考考便黜陟各令當司考其優劣為三等六品以下尚書重問五品以上朕與公卿親論善惡上上者遷之下下者黜之中中者守本位又宣武帝行考陟之法任事上中者三年升一階散官上第者四載登一級孝明以後授受多濫齊高氏創業亦遵後魏臺省位號多類江東

以門下省掌獻納諫正中書省管司王言祕書省典司經籍集書省掌從

容諷議中常侍省掌出入

後主臨御爵祿犬馬宇文氏

之初據關中猶依魏制及平江陵之後別立憲章酌周禮之文建六官之職其他官亦兼用秦漢及隋文帝踐

極百度伊始復廢周官還依漢魏其於庶僚頗有損益

凡官以四考而代又制凡官以理去職聽並執笏至煬帝初存稽古多

復舊章百官不得計考增級如有德行功能灼然顯著者擢之大業三年始行新

令有三臺五省五監十二衛十六府殿內尚書門下內史祕書五省也謁

者司隸御史三臺也少府長秋國子將作都水五監也

左右翊左右衛左右武左右屯左右禦左右候十二衛

也左右備身左右監門等凡十六府也或是舊名或是

新置諸省及左右衛武侯領軍監開府為內官自餘為  
外于時天下繁富四方無虞衣冠文物為盛矣既而漸  
為不道百度方亂號今日改官名月易圖籍散逸不得

而詳備唐之職員多因隋制雖有小變革而大較不異  
貞觀六年大省內官凡文武定員六百四十有三而已  
顯慶元年初制拜三師三公親王尚書令雍州牧開府  
儀同三司驃騎大將軍左右僕射並臨軒冊授太子二  
少侍中中書令諸曹尚書諸衛大將軍特進鎮軍輔國  
大將軍光祿大夫太子詹事太常卿都督及上州刺史  
在京者朝堂受冊又制文武官五品以龍朔二年又改  
上老及病不因罪解者並聽同致仕例

官名咸亨元年復舊至于武太后再易庶官或從宜創

號改尚書省為文昌臺門下省為鸞臺中書省為鳳閣  
御史臺為肅政臺及諸寺衛等名又置控鶴府官員

或參用古典改六尚書為天  
地四時之官天授二年凡舉人無賢不



肖咸加擢拜大置試官以處之試官蓋起於此也

試者未為

正命凡正官皆稱行守其階高而官卑者稱行階卑而官高者稱守階官同者並無行守字太后務收物情其年二月十道使舉人并州石艾縣令王山耀等六十一人並授拾遺補闕懷州錄事參軍崔獻可等二十四人並授侍御史并州錄事參軍徐昕等二十四人並授著作郎魏州內黃縣尉崔宣道等二十二人並授衛佐校書御史等故當時諺曰補闕連車載拾遺平斗量把椎侍御史脫腕校書郎試官自此始也

于時擢

人非次刑網太密雖驟歷榮貴而敗輪繼軌

神功元年制曰自今

本色出身解天文者進轉官不得過太史令解音樂者不得過太樂鼓吹令解醫術者不得過尚藥奉御陰陽

解卜筮者不得過太卜令解造食者不得過司膳

神龍初官復舊號二年三月

又置員外官二千餘人

舊有員外官至此大增加兼起授諸門官為員外官者亦千餘

人中書令李嶠初自地官尚書賁通州刺史至是召拜

吏部侍郎嶠志欲曲行私惠求名悅衆冀得重居相位

乃奏請大置員外官多引用勢家親識至是嶠

又自覺銓衡失序官員倍多府庫由是減耗也於是遂

有員外為尚藥奉御員外特置仍同正員自是員外官

或有同正員者其加同正員者唯不給職田耳其祿

俸賜會與正官同單言員外者祿俸減正官之半

校試攝判知之官  
攝者言勅攝非州府板署檢校者云

檢校某官判官者云判某官事知者

云知某官事皆是  
逮乎景龍官紀大紊復有斜封無坐

詔除而非正命

處之誦興焉

景龍中有太平安樂長寧宜城等諸公主及皇后陸氏妹郕國夫人李氏妹崇國夫

人并昭容上官氏與其母沛國夫人鄭氏尚官柴氏賀  
婁氏女巫隴西夫人趙氏皆引用親識亦多猥濫或出  
自臧獲或由於屠販多因賂貨累居榮秩咸能別於側  
門降墨勅斜封以授焉故時人號為斜封官時既政出  
多門遷除甚衆自宰相至于內外官及左右臺御史  
史多者則數踰十倍皆無廳事可以處之故時人謂之  
三無坐處謂宰相御史及員外官也先天以來始懲其弊至開元二十五

年刊定職次著為格令

此格皆武德貞觀之舊制永徽初已詳定之至開元二十五年

再刪定焉至二十八年又省文武六品以下官三百餘員及諸流外番官等

蓋尚書省以統

會衆務舉持繩目門下省以待從獻替規駁非宜中書

省以獻納制冊敷揚宣勞祕書省以監錄圖書殿中省

以供修服御內侍省以承旨奉引

尚書門下中書祕書殿中內侍凡六省

御史臺以肅清僚庶九寺

太常光祿衛尉宗正太僕大理鴻臚司農太府為九寺大

五監

少府將作國子軍器都水為五監

以分理羣司六軍

左右羽林左右龍虎左右

神武為六軍

十六衛

左右衛左右驍衛左右武衛左右威衛左右領軍左右金吾左右監門左右千牛為

十六衛

以嚴其禁禦一詹事府二春坊

有左右春坊又有內坊掌閤內諸事

三寺

家令寺率更寺太僕寺

十率

左右衛左右司禦左右清道左右監門左右內侍凡十率府

俾又儲官牧守督護分臨畿服

京府置牧餘府州設官置都督都護太守

以經之置使以緯之

按察採訪等使以督府軍事租庸轉運鹽練等使

鐵青苗營田等使以甄財貨其餘細務因事置使者不  
可悉數其轉運以下諸使無適所治廢置不常故不別  
列於自六品以下率由選曹居官者以五歲為限於是  
百司具舉廉績咸理亦一代之制焉一歲為一考四考  
有替則為滿若無  
替則五考而罷六品以下吏部注擬謂之旨授五品以  
上則皆勅除自至德之後天下多難甄才錄劾制勅特  
拜繁於吏部於是兼試員外郎倍多正員至廣德以來  
乃立制限州縣員外兼試等官各有定額並云額內溢  
於限者不得視職其有身帶京官冗職資名清美兼州  
縣職者云占闕焉即如正員之例官以三考而代無替  
四考而罷由是  
官有常序焉

# 歷代官制要畧

官數 官品 設官沿革 封爵 三公 宰相

祿秩

官數

唐六十員虞六十員

尚書云建官惟百鄭玄云虞官六十唐官未聞堯舜同道或皆六十

并屬官而言則皆有百

夏百二十員

尚書云夏商官倍則當二百鄭玄曰百二十

商二

百四十員

明堂位二百鄭玄曰百四十二

周六萬二千六百七十五員

內一千六百四十二人外諸侯同官六萬一千三十二人按禮記王制計之商制同

漢自丞相至

佐史凡十三萬二百八十五員

哀帝時數兼諸州府郡胥吏

後漢七

千五百六十七員 晉六千八百三十六員 宋六千

一百七十二員 齊二千一百三員 後魏七千七百

六十四員 北齊二千三百二十二員 並內官 後周二千

九百八十九員 並內官 隋一萬二千五百七十六員 內官二千

五百八十一員 外郡縣官 唐一萬八千八百五員 內官二千

官九千九百九十五員 外郡縣官一萬六千一百八十五

官品

周官九命漢自中二千石至百石凡十六等後漢自中

二千石至斗食凡十三等魏秩次多因漢制更置九品  
晉宋齊並因之梁因之更置十八班班多為貴陳並因  
之後魏置九品品各置從凡十八品自四品以下每品  
分為上下階凡三十階北齊並因之後周制九命每命  
分為二以正為上凡十八命隋置九命品各有從自四  
品以下每品分為上下凡三十階自太師始焉謂之流  
內流內自此始焉

煬帝除上下階唯  
留正從各九品

又置視正二品至

九品品各有從自行臺尚書令始焉謂之視流內視流



內自此始唐自流內以上並因隋制又置視正五品視從七品以署薩寶及正祓謂之視流內又置勲品九品自諸衛錄事及五省令史始焉謂之流外流外自此始

勲品自齊梁即有之

### 設官沿革

畧舉崇著者其當部之官長雖品秩下者亦附出

黃帝六相

堯有十六相

為之輔相不必名官少昊司徒

前漢嘗加

大後漢又加大司馬

項羽加大漢以後

司空

前漢加大改御史大夫為之後周又

加司寇

後周有大司寇卿後周又加大

唐義和義仲義叔和仲和叔州

牧虞太師太保納言

隋及唐嘗改侍中為之

后稷秩宗士共工虞

夏九卿商太宰

晉宋齊梁陳改太師為之

太宗太史太祝太士太卜

司士司土司木司水司草司器司貨太子太師太子太

保太子太傅太子少傅方伯周太傅少師少保冢宰

後周

加宗伯

後周加大

內史

秦置內史治京師如諸郡守後周有內史中丞大夫隋改中書為內史監

今唐亦嘗以中書為內史太僕正

至漢為太僕梁為卿唐嘗為司馭卿又嘗為司僕卿

大將軍

自戰國時楚置

前後左右將軍

周末

秦太尉左右丞相丞相

後周

末加相國侍中

本丞相史隋改為納言又改為侍內唐嘗為納言或為左相或為黃門監

黃

門侍郎

後周納言大夫唐為鸞臺侍郎又改為門下侍郎

散騎常侍

魏加侍郎又加員外

又加通直唐

分為左右

少府吏在殿中主發書謂之尚書四人

漢置

五人其一人為僕射四人分曹後漢為五曹至晉有六曹

尚書令僕射

漢置左右唐嘗改為左右

匡政或為左右丞相武太后嘗為文昌左右相

尚書丞

漢置四人後漢減三人為左右丞唐嘗為左右

肅機御史大夫

唐嘗為大司憲武太后又嘗改為肅政又分為左右

奉常

漢改曰太常後曰奉

常又改為太常後漢為奉常自後為太常梁謂之卿唐嘗為奉常卿又嘗為司禮卿

郎中令

漢為光祿

勲後漢嘗為郎中令魏為光祿勲梁除勲字謂之卿唐嘗為司宰卿又嘗為司膳卿又為光祿卿

衛尉

漢嘗為中大夫令至梁謂之卿至唐嘗為司衛卿

宗正

漢嘗改為宗伯至唐嘗為司宗卿又嘗為司屬

卿治粟內史

漢改曰大農令又改曰大司農後漢末為大農魏為司農至梁謂之卿後魏又加大

唐嘗為司稼卿

主爵中尉

漢以右扶風代之

廷尉

二漢梁北齊為大理梁謂之卿後周曰廷

尉唐嘗為詳刑卿又為大理卿

典客

漢改為大鴻臚又嘗曰大行至梁除大字謂之卿唐為同文卿又嘗

為司賓卿又為鴻臚卿

典屬國少府

至梁謂之卿唐嘗為內府監亦嘗為尚方監又為少府監

將作少府

漢改為大匠梁為大匠卿隋為將作大監又改為大匠唐亦嘗為大匠又嘗為繕工監又

嘗為營繕監又為將作監

中尉

漢武更名執金吾

中書謁者令僕射

至漢嘗以宦者

為之魏為中書監令專掌機務隋為內史監令尋改為內史又改為尚書又為內史令唐復為中書令嘗為右

相又為內史詹事唐嘗改為端尹又嘗改為又為紫薇令詹事宮尹少詹事並為少尹

中庶子庶

子隋改庶子為左右罷中護太子家令府唐嘗為官率更令

唐嘗為司僕唐嘗為馭率內史理京師漢分為左右又

郡守漢改為太守後魏每部置三太守隋並佐貳太中大夫唐

為文漢領尚書事至後漢為三公曹尚書常侍郎尚書

主客公卿事後漢改為吏曹主選奉又為選部魏為吏

為天中書侍郎東晉嘗為通事郎隋為內史侍郎又為

郎又為紫御史中丞後魏曰中尉唐改治書侍

夫優寵者則加銀章青綬至魏晉則有加中散大夫王

金章紫綬齊嘗置左右至隋為散官

置唐為文散

太皇太后卿長信少府

太后以下卿以至

皇太

后卿長信少府皇后卿大長秋

隋有令唐改為內侍

中常侍

唐為

侍都水使者

至宋嘗為水衡令梁曰大舟卿隋嘗為都水監唐嘗為司津監又嘗為水衡都尉

驃騎後漢加大夫唐為武散

遊擊

唐為武散

衛車騎

梁置

伏波上

左右

伏波上

騎材官輕車樓船橫海護軍

唐為勳官

渡遼貳師蒲類彊弩

戈船奮威建威積射二十一將軍奉車騎駙馬三都尉

至梁尚主者為之

司隸校尉

督察三輔隋有司隸大夫

刺史

舉

郡縣至

都護京兆尹左馮翊右扶風特進

唐為

諸加官

左右曹諸吏散騎中常侍侍中為之後漢賊曹尚書尚書侍郎三十六人

初稱尚書郎中滿歲稱尚書郎三歲稱侍郎五歲遷大縣令魏有尚書郎晉又有郎中隋初置三十六侍郎後

置員外郎一人後又六曹各置侍郎每曹有郎有員外郎唐改曹郎為郎中祕書監魏又置

為蘭臺太史少監為武衛至隋置左右唐輔國宋改為侍郎又嘗為麟臺為左右鷹揚衛輔國宋改為

輔師唐為武散四征四鎮四安虎牙征虜捕虜橫野鷹揚討逆

討虜破虜等將軍四中郎將都督至晉河南尹留守班

同三司前漢文帝以宋昌為衛儀同三司魏有開府儀

有如開府儀同三司後魏有儀同三司北齊有開府儀

同三司又有儀同三司後周有開府儀同又有上開府

儀同大將軍至隋為散官  
又諸衛各置開府一人

八座魏五兵尚書

至後魏有七兵尚書

隋曰兵部唐嘗為司戎太常伯  
或為夏官或為武部又為兵部

度支尚書

吳有戶部晉已後為度支

至隋為民部唐嘗祠部曹尚書

至後魏有儀曹尚書後周有禮部隋置禮部尚

書唐嘗為司禮太常伯  
或為春官又為禮部

殿中監

秩甚卑隋曰殿內監唐嘗為中御府大監中

衛

晉分為左右衛將軍隋改為左右翊衛唐復為左右衛

中領軍

尋改曰領軍隋改為左右屯衛

唐嘗為左右戎衛又嘗為左右玉鈐衛又為左右領軍

鎮軍大冠軍游騎

唐並為武散

四平鎮北虎威撫軍淩江寧朔等將軍行臺晉三公尚

書掌刑獄起部尚書

有事即置事畢則省

國子祭酒

唯宋曰總明觀祭酒唐嘗



為大司成又中軍龍驤寧遠唐為武散宋殿中將軍齊都官

尚書

至隋改為刑部唐嘗為司刑太常伯又嘗為秋官又改為憲部又為刑部梁大府卿唐嘗

為外府卿又雲麾中武壯武明武定遠唐並為武散宇宙等

大將軍始以太常等名卿分為四時凡十一卿後魏柱

國

唐為勳官

天柱二大將軍諸少卿後周軍器隋左右武侯

府大將軍

唐為金吾衛

左右監門府將軍

唐改府為衛

大總管通

守

佐太

折衝府正議通議朝議朝請朝散等大夫左右

驍衛府

唐除府字

唐太子賓客

漢之四皓非官

左右千牛衛左右屯

營

後改為羽林軍營改為衛

左右威衛

嘗改左右豹韜衛

左右龍虎將軍平

章事知政事參知機務同中書門下三品平章軍國重

事節度使採訪使宣威

武散

懷化歸德等將軍

並武散以授歸義蕃

官

### 封爵

黃帝方制萬里為萬國各百里唐虞夏建國凡五等曰

公侯伯子男商公侯伯三等

公百里侯七十里伯五十里

周公侯伯

子男五等

公侯百里伯七十里子男五十里

周公居攝改制大其封五

百里侯 四百里 伯三百里 子二百里 男百里

秦爵二十等

最高徹侯乃得食縣其次關內侯食

租稅於關內餘十八等大庶長以下則如吏職

漢國王國侯亭侯三等

王皆裂地侯以

戶數為差分民自此始漢初論功封侯者凡百四十三人食邑者除租每戶一歲更輸錢二百後漢亦

三等

皇子封王其郡為國其列侯雖節冠元勲不過四縣魏王公侯伯子男次縣

侯次鄉侯次亭侯次關內侯凡九等

關內侯為虛封自此始

晉亦

有王公侯伯子男又有開國郡公縣公郡縣侯伯子男

及鄉亭關內等侯凡十五等

王次國一萬戶二萬戶三萬戶五萬戶

千下國五千戶一軍兵千五百其公之制如五千戶國侯如不滿五千戶國並置一軍千人其伯子男以上各

有差不置軍

宋皆因晉制惟大小國皆三軍

至孝建中凡國官屬不得稱臣

於其主改稱下官

齊因之梁因前代

定制諸王言曰令境內稱

內稱之曰第下皆自稱曰寡人相已下表

陳有郡王嗣

王藩王開國郡公開國縣公侯伯子男沐食侯鄉亭侯

開國中關外侯凡十二等後魏有王開國郡公散公侯

散侯伯散伯子散子男散男凡十一等

王食半公三分食一侯伯四分

食一子男五分食一

北齊有王公侯伯子男六等後周有公侯伯

子男五等隋有國王郡王國公郡公縣公侯伯子男凡

九等唐國王郡王國公郡公開國郡公縣開國侯伯子

男凡九等

並無其土加實封者乃給租庸自武德至天寶實封者百餘家自至德至大曆三年實封

者二百六十五家

### 三公

夏商以前云天子無爵三公無官

伊尹曰三公調陰陽周以太師

太傅太保曰三公漢以丞相大司馬御史大夫為三公

後漢又以太尉司徒司空為三公

天地災變即皆冊免自太尉徐防始焉靈

帝就長安拜張溫為太尉三公在外自溫始也魏晉宋齊梁陳後魏北齊皆以

太尉司徒司空為三公後周以太師太傅太保為三公  
司徒為卿隋以太尉司徒司空為三公唐因之

### 宰相

黃帝置六相堯有十六相商湯有左右相周成王有左  
右相秦悼武王始置左右丞相始皇又始置相國漢置  
丞相嘗置相國或左右丞相尋復舊成帝改御史大夫  
為司空與大司馬丞相是為三公皆宰相也哀帝改丞  
相為大司徒亦為宰相後漢以太尉司徒司空為宰相

獻帝復置丞相魏改丞相為司徒而文帝置中書監令

並掌機密自是中書多為樞機之任亦宰相也又置大

丞相及相國晉惠帝改丞相為司徒尋復舊俱為宰相

而中書監令常管機要亦是相也宋齊梁陳並相因習

或為丞相或為相國多非尋常人臣之職或掌機密或錄尚書或綜

朝權或管朝政或為侍中或給事中或受顧命皆為宰

相然中書職任機務之司不必他名亦為宰相其有待

中兼外官若宋王弘侍中兼內官若沈演之後魏北齊  
其例不少即非宰相並在當時委任而已  
亦置丞相俱為宰相尤重門下官多以侍中輔政亦宰

相也後周大冢宰亦其任也其後亦置左右丞相隋有

內史納言是真宰相

柳述為兵部尚書參軍機密又楊素為右僕射與高穎專掌朝政

唐侍中中書令為真宰相中間嘗改為左右相他官參  
者無定員但加同中書門下三品平章事知政事知機  
務參與政事及平章軍國重事之名者並為宰相亦漢  
行丞相事之例也

其同中書門下三品自貞觀中兵部尚書李勣始

### 祿秩

周制自天子至下士凡六等諸侯國君十卿祿食二千八百八



十卿四大夫祿食二百八十八人大夫倍上士食七十人上士倍

中士食三十人中士倍下士食十人下士與庶人在官者同

食九人庶人在官者漢制自中二千石至百石凡十二等

中二千石月俸百八十斛二千石百二十斛比二千石百八十斛

六百石七十斛比六百石六十斛四百石五十斛比四百石四十斛

五百石四十斛比三百石三十斛二百石三十斛比二百石

二百石十六斛後漢大將軍三公俸各三百五十斛凡

諸受俸皆半錢半穀延平中定制中二千石月俸錢九千米七十

二真二千石

錢六千五百六十斛

比二千石

錢五千三百四十斛

千石

錢四

千米三十斛

六百石

錢三千五百二十斛

四百石

錢二千五百五十斛

三百

石 錢二千米十二斛

二百石

錢一千九百斛

百石

錢八百四十斛 臘及立春

更班賜有差宋制州郡秩俸多隨土所出無有定準有

父母祖父母年登七十者並給見錢其郡縣田祿以芒

種為斷

此前去官者則一年秩皆入此前人此後去官者悉入後人

梁制一品秩萬石

二品三品秩為中二千石四品五品秩為二千石後魏

其祿每一季一請諸宰人之官各隨近給公田刺史十

五頃太守十頃治中別駕各八頃縣令郡丞六頃更代  
相付北齊官秩一品每歲八百足從一品七百足二品  
六百足從二品五百足三品四百足從三品三百足四  
品二百四十足從四品二百足五品一百六十足從五  
品一百二十足六品一百足從六品八十足七品六十  
足從七品四十足八品三十六足從八品三十二足九  
品二十八足從九品二十四足執事官一品以下給公  
田各有差後周制祿秩下士一百二十五石中士以上

至大夫各倍之上大夫是為四千石卿二分孤三分公  
四分各益其一公因盈數為一萬石其九秩一百二十  
石八秩至於七秩每二秩六分而下各去其一二秩俱  
為四十石隋京官一品祿九百石其下每以百石為差  
至正四品是為三百石從四品二百五十石其下每以  
五十石為差至正六品是為一百石從六品九十石以  
下每以十石為差至從八品是為五十石其給皆以春  
秋二季刺史太守縣令則計戶而給祿各以戶數為九

等之差二佐及郡守縣令京官給職分田一品者給田

五頃至五品則為田三頃其下每品以五十畝為差至

九品為一頃外官亦各有職分田又給公廨田以供唐

定給祿之制京官正一品米七百石錢從一品石六百正

二品米五百石錢從二品米四百石正三品米四百石錢從

三品米三百石正四品米三百石錢從四品米二百石正五

品米二百石錢從五品米一百石正六品米一百石錢從

六品米九十石正七品米八十石錢從七品米七十石正八品米

十七石錢  
一千六百從八品米六十石正九品米五十七石從九品

米五十  
二石從品同外官各降一等其幹力及防閤庶僕並別給内外文

武官自一品以下給職田京官諸司及郡縣又給公廨田並有差

## 職官目錄

### 三公第一

### 宰相第二

### 門下省第三

中書省第四

尚書省第五

御史臺第六

諸卿第七

武官第八

東宮官第九

王侯第十

州郡第十一

文武散官第十二

勲官第十三

命婦第十四

祿秩第十五

官品第十六





通志卷五十一



總校官庶吉士 臣侍 朝

校對官編修 臣閔惇大

騰錄監生 臣吳錫綵

欽定四庫全書薈要

史部

通志卷五十二

三

詳校官員外郎臣楊世綸



欽定四庫全書薈要卷八千九百五十一

史部

通志卷五十二

宋右迪功郎鄭樵漁仲撰

職官略第二

三公第一

三公總序 四輔二大附

記曰虞夏商周有師保有疑丞設四輔及三公

尚書大傳曰古

者天子必有四鄰前疑後丞左輔右弼天子有問無以對責之疑有志而不志責之丞可正而不正責之輔可

揚而不揚責之弼其爵視卿其祿視次國之君

不必備唯其人故天子無爵三

公無官參職天子

何官之稱天文三台以三公法焉

伊尹曰三公調陰

陽九卿通寒暑大夫知人事列士去其私周成王作周

官立太師太傅太保曰三公論道經邦變理陰陽立少

師少傅少保曰三孤貳公弘化寅亮天地以弼天子則

三太周之三公也故不以一職為官名

公八命也九命則分陝為二伯

又以三少為孤卿與六卿為九焉舜之於堯伊尹之於

湯周公召公之於周是其任也故周禮建外朝之法左

九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長衆庶在其後

三公壹命衮若有加則賜也不過九命

三公八命矣復加一命則服衮

龍與王者之後同多於此則賜也非命服也虞夏之制天子有日月星辰周禮曰諸公之服自衮冕而下如王服之春秋九命則作伯尊公曰宰言於海內無不宰統焉

或說司馬主天司徒主人司空主土是為三公漢初唯有太傅太尉後加置太師太保大司徒大司空王莽居攝置四輔官後漢唯有太傅一人謂之上公及有太尉

司徒司空而無師保太尉公主天

部太常衛尉光祿勳

司徒公主

人部太僕鴻臚廷尉

司空公主地

部宗正少府司農

而分部九卿

漢制三公

號稱萬石其俸月各三百五十斛風俗通云三公一歲共食萬石也

蓋多以九卿為之若

天地災變則皆冊免自太尉徐防始焉漢制三公不與

盜賊若領兵入見皆交戟叉頸而前

使虎賁執刃扶之也魏武為司空破

張繡入覲天子亦行此制汗流洽背自此不復朝覲也

朝臣見三公皆拜天子御

座即起在輿為下凡拜公天子臨軒六百石以上悉會

直事卿贊拜御史授印綬公三讓然後受至安帝時三

府任薄選舉誅賞一由尚書其災眚變咎則免公台靈

帝臨朝始遣使者就長安拜張溫為太尉三公在外自

溫始也至獻帝建安十三年乃罷三公官魏初復置與

後漢同

有太傅太尉司徒司空

然皆無事不與朝政初封司空崔

林為安陽亭侯三公封列侯自林始也黃初二年又分

三公戶邑封子弟各一人為列侯末年增置太保晉武

帝即位之初以安平王孚為太宰鄭沖為太傅王祥為

太保義陽王子初為太尉何曾為司徒荀顗為司空石



芑為司馬陳騫為大將軍凡八公同時並置唯無丞相  
焉時所謂八公同辰攀雲附翼者也遂以太傅太保為

上公論道經邦變理陰陽無其人則闕蓋居者甚寡

諸公

品第一食俸日五斛太康二年又給絹春百疋秋二百  
疋綿二百斤元康元年給米田十頃騶十人立夏以後  
不及田者食俸一年又給虎賁二十人持班劍給朝車  
駕安車黑馬其太尉司徒司空自

漢歷魏皆為三公及晉迄于江左相承不改前代三公  
冊拜皆設小會所以崇宰輔之制也自魏末廢而不行  
至晉拜石鑒為左光祿大夫開府領司徒始有詔令會

遂以為常宋皆有八公之官而不言為八公也齊時三公唯有太傅梁有丞相太宰太傅太保大司馬大將軍太尉司徒司空開府儀同三司等官諸公及從公開府者亦置官屬陳以丞相太宰太傅太保大司馬大將軍並為贈官三公之制開黃閣廳事置鳴尾後魏以太師太傅太保謂之三師上公也大司馬大將軍謂之二大太尉司徒司空謂之三公北齊皆有三師二大三公之官並置府其府三門當中門黃閣設內屏三師二大置

佐吏則同太尉府後周置六卿之外又改三師官謂之

三公兼置三孤以貳之而以司徒為地官大司馬為夏

官司司空為冬官如姬周之制無復太尉三師之號宣帝

又置四輔官

以大家宰越王盛為大前疑蜀國公尉遲迥為大右弼申國公李穆為大左輔隋國

公楊堅為大後丞

隋置三師不主事不置府僚俱與天子坐而

論道置太尉司徒司空以為三公參議國之大事依北

齊置府僚無其人則闕祭祀則太尉亞獻司徒奉俎司

空行掃除其位多曠攝行事尋省府僚佐置公則坐於

尚書都省朝之衆務總歸於臺閣矣煬帝即位廢三師  
官唐復置三師以師範一人儀刑四海置三公以經邦  
論道變理陰陽祭祀則與隋制同並無其人則闕天寶以前凡  
三師公雖有其位而無其人

太師

古官紂時箕子周武王時太公成王時周公並為太師周公薨畢公代之秦及漢初並無至平帝元

始元年初置以孔光居焉金印紫綬位在太傅上太保次太傅漢東京又廢獻帝初董卓為太師卓誅又廢魏世不置晉初置三公以景帝諱師故置太宰以代太師之名秩增三司後魏北齊後周隋唐皆有之

臣謹按孔光為太師王莽為太傅光常稱疾不敢與

太后詔令太師無朝賜靈壽杖省中坐置几賜食十

七物

太傅

古官周成王時畢公為太傅漢高后元年初置太傅金印紫綬初用王陵後省八年復置後省哀帝

元壽二年復置位在三公上平帝以孔光為之後漢有太傅上公一人掌以善道無常職光武以卓茂為之薨省明帝又以鄧禹為之其後每帝初即位輒置太傅錄尚書事薨則省桓帝踐阼初如元服不復置傅但令太尉胡廣司徒趙戒領尚書事至靈帝復以陳蕃為太傅與廣參錄尚書事魏初置太傅以鍾繇為之晉宋金章紫綬進賢三梁冠介幘絳朝服佩山玄玉梁後魏北齊後周及唐皆有之

臣謹按鍾繇遷太傅有疾時華歆亦以高年病朝見

皆使乘輿入殿就坐是後三公有疾遂以為故事

太保

古官太甲時伊尹周成王時召公皆為之漢平帝元始元年始用王莽為之光武中興省魏初不置

末年始置以鄭冲為之位在三司上晉武初踐阼以王祥為太保進爵為公加置七官之職太保所以訓護人主導以德義者也章綬佩服冠杖與太傅同梁後魏北齊後周隋及唐皆有之

臣謹按晉汝南王亮為太宰錄尚書事與太保衛瓘對掌朝政又衛瓘為太保以公就第置長史司馬從事中郎掾屬也

太宰

於商為六太於周為六卿亦曰冢宰周武時周公始居之掌建邦之治秦漢魏並不置惟平帝加王

莽號曰宰衡晉初依周禮備置三公三公之職太師居首以景帝名師故置太宰以代之而以安平獻王孚居焉增掾屬十人蓋為太師之互名非周冢宰之任也宋大明中用江夏王義恭為之冠綬服秩悉與太傅同至齊以為贈梁初有之至陳又以為贈有事則權兼之後魏初無至孝莊時以太尉上黨王天穆為之增置佐史北齊無聞後周文帝又依周禮建六官遂置天官大冢宰卿一人掌邦治以建邦之六典佐皇帝治邦國自隋而無

臣謹按晉何曾為太宰朝會乘輿入朝劔履上殿如蕭何田千秋鍾繇故事

太尉

秦官漢因之金印紫綬掌武事漢文三年省景帝三年復置其尊與丞相等五年又省元狩四年更

名大司馬後漢建武二十七年復舊名為太尉公每帝  
初即位多與太傅同錄尚書事府門無閑掌四方兵事  
功課歲盡則奏其殿最而行賞罰凡郊祀之事常亞獻  
大喪則告謚南郊凡國有大造大疑則與司徒司空通  
而論之國有過事與三公通諫諍之靈帝末劉虞為大  
司馬而太尉如故自此則大司馬與太尉始並置矣魏  
亦有之晉太尉進賢三梁冠介幘絳朝服金章紫綬佩  
山玄玉若郊廟冕服七旒玄衣纁裳七章宋制武冠山  
玄玉齊制九旒後魏初與大將軍不並置正光之後  
亦皆置焉歷七代唯後周無其餘皆有悉為三公

臣謹按月令曰孟夏太尉贊俊傑自上安下曰尉故  
武官咸以為號

司徒

古官少皞時祝鳩氏為之堯時舜為之舜攝帝位  
命禹為司徒禹元孫之子曰微亦為夏司徒周時



司徒為地官掌邦教秦置丞相有司徒漢初因之至哀  
帝元壽二年罷丞相置大司徒後漢大司徒主徒衆教  
民以禮義凡國有大疑大事與太尉同建武二十七年  
去大為司徒公建安末為相國魏黃初元年改為司徒  
晉司徒與丞相通職更置迭廢未嘗並立至永嘉元年  
王衍為司徒東海王越為丞相始兩置焉宋制司徒金  
章紫綬進賢三梁冠佩山玄玉掌治民事郊祀則省牲  
視滌濯大喪安梓宮凡四方功課歲盡則奏其殿最而  
行賞罰亦與丞相並置齊司徒之府領天下名數戶口  
簿籍梁罷丞相置司徒歷代皆有至後周以司徒為地  
官謂之大司徒卿掌邦教  
職如周禮隋唐復為三公

司空古官少皞時鳴鳩氏為之舜攝帝位以禹為之高  
元孫之子曰冥亦為夏司空湯以咎單為司空周  
禮司空為冬官掌邦事凡營城起邑復溝洫脩墳防之  
事則議其利建其功四方水土功課歲盡則奏其殿最

而行賞罰凡國有大造大疑諫諍與太尉同秦無司空  
置御史大夫漢初因之至成帝綏和元年始更名御史  
大夫曰司空初改為司空時議者又以縣道官有獄司  
空故復加大司空金印紫綬祿比丞相哀帝建武二年  
復為御史大夫元壽二年復為大司空後漢初為大司  
空建武二十七年去大為司空公獻帝建安十二年又  
罷司空置御史大夫自郝慮免不復補魏初又置司空  
冠綬及郊廟之服與太尉同宋制進賢三梁冠佩山玄  
玉掌治水土祠祀掌掃除樂器大喪掌將校復土歷代  
皆有之至後周為冬官謂之大司空卿隋唐復為三公  
大司馬古官也掌武事少皞時鵠氏為之堯時棄為  
后稷兼掌司馬周時司馬為夏官掌邦政項羽  
以曹咎周殷為大司馬漢初不置武帝元狩四年初罷  
太尉置大司馬以冠將軍之號霍光以大司馬大將軍  
輔政武帝又令大將軍驃騎將軍皆有大司馬之號宣  
帝地節三年置大司馬以霍禹為之不冠將軍亦無印

綬官屬成帝綬和元年初賜大司馬金印紫綬置官屬  
祿比丞相去將軍哀帝建平二年復去大司馬印綬官  
屬冠軍如故元壽二年復賜大司馬印綬官屬去將軍  
位在司徒上始置大司馬議者以漢有軍侯千人司馬  
官故加大王莽居攝以漢乃無小司徒而定司馬司空  
之號並加大後漢光武建武二十七年省大司馬以太  
尉代之故常與太尉迭置不並列至靈帝末始置司馬  
魏文帝黃初二年復置大司馬以曹仁居之而太尉如  
故則太尉大司馬大將軍各自為官位在三司上吳有  
左右大司馬晉定令亦在三司上武冠絳朝服金章紫  
綬佩山玄玉與大將軍同宋時唯元嘉中用彭城王義  
康為之冠玉與晉同至齊以為贈梁時置官屬陳以為  
贈後魏北齊與大將軍為二大位居三師之下三公  
之上後周以為夏官謂之大司馬卿自隋而無

臣謹按漢律丞相大司馬大將軍俸錢月六萬

大將軍

見武官類

總叙三師三公以下官屬

三師

太師太傅太保  
歷代多有之

一太

商建官有六太其一曰太宰  
自周以後亦常有之餘五代

則三公

太尉司徒司空  
歷代有之

二大

大司馬大將軍  
歷代亦有之

諸位從公

諸將

軍及光祿大夫開府  
者歷代亦時有之

官屬等漢有三師而不見官屬以

丞相為公置司直長史後改丞相為司徒則曰司徒司

直長史其太尉後改為大司馬綏和初始置長史一人

掾屬二十四人御屬一人令史二十四人改御史大夫

為大司空置長史如中丞後漢初唯置太傅有長史一人掾屬十人御屬一人後晉太師董卓嘗居之蓋自為也而不見官屬

太尉屬官有長史一人主諸曹事掾史屬二十四人分

二千石長史遷除民戶祠祀農桑奏議詞訟郵驛轉運盜賊罪法兵貨幣鹽鐵倉穀等事黃閤主簿

省錄衆事掌記室令史掌上章奏報後漢末陳琳阮瑤閤下威儀皆為曹公記室軍國書檄皆所

作御屬掌為公卿閤下威儀

司徒屬官有長史一人掾屬三十一人令史及御屬三

十六人

司空屬官有長史一人掾屬二十九人令史及御屬三

十二人

正曰掾副曰屬漢舊注云公府掾比古元士三命者也或曰漢初掾史辟皆上言之故有秩皆

比命士其所不言則為百石屬其大司馬屬官並同前其後皆自辟除故通為百石云

漢魏置太傅太保而不見官屬太尉司徒司空有長史

司馬從事中郎正行參軍大司馬亦有正行參軍也晉

有太宰太傅太保唯楊駿為太傅增祭酒為四人掾屬

二十人兵曹為左右也太宰太保官屬不見太尉司徒

司空並有長史司馬太尉雖不加兵者吏屬皆絳服泰始三年又置太尉軍參軍六人騎司馬五人官騎十人

而司徒加置左長史掌差次九品銓衡人倫冠綬與丞相長史同主簿左右東西曹掾各一人若有所循行者

增置掾屬十人

武帝時司徒奏州郡農桑未有賞罰之制宜遣屬循行詔遂使司徒督察州郡

播殖若有所循行者增掾屬十人又溫嶠請司徒置田曹掾州一人勸課農桑初王渾遷司徒

仍加兵渾以司徒文官主吏不持兵及吏屬絳衣自以非是舊典皆令阜服論者美其謙而識禮司空府加置

導橋掾一人餘略同後漢咸寧初詔以前太尉府為大

司馬府增置祭酒二人帳下司馬官騎大車鼓吹左右

光祿光祿三大夫開府者皆為位從公品秩俸賜儀制

與諸公同加兵者增置司馬一人從事中郎二人主簿

記室都督各一人舍人四人兵鎧士曹營軍刺姦帳下

都督外都督令史各一人

主簿以下令史以上皆絳服

司馬給吏卒

如長史從事中郎給侍二人主簿記室都督各給侍一

人其餘臨時增崇者則哀加因其時為節文不為定制



其祭酒掾屬白蓋小車大輅車施耳後戶阜輪犢車各一乘自祭酒以下令史以上皆阜零辟朝服其為

持節都督者增參軍為六人其餘如常加兵公制宋有

太傅太保太宰太尉司徒司空大司馬諸府皆有長史一人將軍一人又各置司馬一人而太傅不置長史掾屬亦與漢略同自江左以來諸公置長史倉曹掾戶曹屬東西閭祭酒各一人主簿舍人二人御屬二人令史無定員領兵者置司馬一人從事中郎二人參軍無定員加崇者置左右長史司馬從事中郎四人掾屬四人

則倉曹增置屬戶曹置掾加崇極於此也其司徒府若無公唯省舍人其府常置其職僚異於餘府有左右長史東西曹掾屬餘則同矣餘府有公即置無則省齊有太宰大司馬並為贈官無僚屬太尉司徒司空是為三公特進位從公諸開府儀同三司位從公開府儀同如公凡公督府置佐長史司馬各一人諮議參軍二人諸曹有錄事功曹記室戶曹倉曹中兵外兵騎兵長流賊曹城局法曹田曹水曹鎧曹集曹右戶十八曹局曹以

上署正參軍法曹以下署行參軍各一人其行參軍無署者為兼員其公府佐吏則從事中郎二人倉曹掾戶曹屬東西閤祭酒各一人主簿舍人御屬二人加崇者則左右長史四人中郎掾屬並增數其未及開府則亦置佐吏其數有減小府無長流置防禁參軍初晉令公府長史著朝服自宋大明以來著朱衣梁武帝受命之初官班多同宋齊之舊有丞相太宰太傅太保大司馬太尉司徒司空開府儀同三司等官諸公及位從公開

府者置官屬有長史司馬諮議參軍掾屬從事中郎記

室主簿列曹參軍行參軍舍人等官其司徒則有左右

二長史

褚球為司徒左長史加  
紹台佐加紹自球始也

又增置左西掾屬一人

自餘僚佐同於二府有公則置無則省而司徒無公唯

省舍人餘官常置開府儀同三司位次三公左右光祿

大夫優者則加之曰三公置官屬陳三師二大並為贈

官而無僚屬其三公有府長史司馬諮議參軍從事中

郎掾曹屬主簿祭酒錄事記室正參軍板正參軍後魏

三師無官屬後又置太宰以元天穆為之增置佐吏三公及二大並有長史司馬諮議參軍從事中郎掾屬主簿錄事參軍功曹記室戶曹中兵等參軍諸曹行參軍祭酒參軍事長兼行參軍都護

其太尉司徒與二大屬官階同唯司空府官每

降一北齊三師二大三公各置長史司馬諮議參軍從

事中郎掾屬主簿錄事功曹記室戶曹倉曹中兵騎兵長流城局刑獄等參軍東西閤祭酒參軍事法墨田水鎧集士等曹行參軍督護等員

司徒則加長史主司馬左右長史吏

主舍人

主閣內事

皆自秦官也從事中郎

從事中郎漢末官也陳湯為大將軍

王鳳從事中郎在主簿

上其掌秩與長史同

掾屬

主諸曹事

主簿所主與舍人同祭酒所主亦同

令史

主諸曹文書

此皆自漢官也御屬參軍自後漢也

孫堅參驃

騎將軍事是也參軍所主與掾屬同

其儀同三司如開府者亦置長史以

下官屬而減記室倉城屬田水鎧士等七曹各一人

其品

亦下三公府一階其三師二大佐吏則同太尉府也

後周以太師太傅太保為三

公而不見僚屬隋三師亦不見官屬而三公依北齊置

府僚後省府及寮佐置公則坐於尚書都省朝之衆務

總歸於臺閣唐三師三公並無官屬

宰相第二

宰相總序

官屬附

黃帝得六相而天地治神明至虞舜臣堯舉八愷使主  
后土以揆百事莫不時叙地平天成舉八元使布五教  
于四方內平外成謂之十六相及成湯居亳初置二相  
以伊尹仲虺為之武丁得傳說爰立作相王置諸其左  
右周時召公為保周公為師相成王為左右亦其任也

秦悼武王三年始置丞相官以樗里疾甘茂為左右丞相莊襄王又以呂不韋為丞相及始皇立尊不韋為相國則相國丞相皆秦官

又漢官儀云皆六國時官

金印紫綬掌丞天

子助理萬幾秦初有左右至二世復有中丞相

二世已誅李斯

乃拜趙高為中丞相事無大小皆決之

漢高帝即位一丞相綠綬以蕭何

為之及誅韓信乃拜何為相國何薨以曹參為之孝惠

高后置左右丞相文帝二年復置一丞相月俸錢六萬

成帝綏和元年御史大夫何武建言古者民謹事約國



之輔佐必得聖賢然猶則天三光備三公官各有分職  
今末俗之弊政事煩多宰相之才不能及古而今丞相  
猶兼三公之事所以大化久未洽也宜建三公官定卿

大夫之任分職授政以考功效於是上拜曲陽侯王根  
為大司馬而何武自御史大夫改為大司空皆金印紫

綬比丞相則三公俱為宰相

漢御史大夫副丞相事若  
今之同平章事及參知機

務之類所以漢書云薛貢韋匡迭為宰相薛宣韋賢匡  
衡則是丞相而貢禹但為御史大夫又蕭望之謂朱雲  
曰吾備位將相蕭嘗任

至哀帝復罷大司空

大司空朱  
博奏曰帝

御史大夫及前將軍

王之道不必相襲高祖置御史大夫次丞相典正法度以職相參歷載二百天下安寧今更大司空與丞相同位故事選郡國守相高第為中二千石中二千石為御史大夫任職者為丞相位次有叙所以尊聖德重國相也今中二千石未更御史而為丞相非所以重國政元也願罷大司空以御史大夫為百寮師表帝從之元

壽二年更名丞相為大司徒初漢制常以列侯為相唯

公孫弘布衣數年登相位武帝乃封為平津侯其後為

故事至丞相而封自弘始也

到先武絕不復侯或自以際會援立見封漢儀注曰

御史大夫為丞相更春乃封故先賜爵關內侯李奇曰以冬月非封侯故且先賜爵關內侯白事教

令稱曰君侯春秋之義尊上公謂之宰一曰海內無不統

焉故丞相進天子御座為起在輿為下丞相有病皇帝

法駕親至問疾從西門入

丞相有疾御史大夫三朝問起居百寮亦然後漢三公疾

令中黃門問疾魏晉即黃門郎尤重者或侍中

及瘳視事尚書令若光祿大夫

賜以養牛上尊酒

有天地大變天下大過則丞相以疾聞皇帝使侍中持節乘四白馬賜上

尊酒十斛牛一頭策告殃咎使者回至半道丞相追上病使者還來白事尚書以丞相不起病聞若丞相不勝任使者奉策書駕駱馬即時布衣步出府免為庶人若丞相有他過使使者奉策書駕騅馬即時步出府乘棧車牝馬歸田里思過

凡丞相府門無闌不設鈴鼓言其大開無

節限後漢廢丞相及御史大夫而以三公綜理衆務則

三公復為宰相矣至於中年以後事歸臺閣則尚書官為機衡之任至獻帝建安十三年復置丞相而以曹公居之又有相國魏黃初元年改為司徒而文帝復置中書監令並掌機密自是中書多為樞機之任其後定制置大丞相第一品後有相國齊王以司馬師為之高貴鄉公以司馬昭為之晉惠帝永寧元年罷丞相復置司徒永昌元年罷司徒并丞相則與司徒不並置矣其後或有相國或有丞相省置無常而中書監令常管機要

多為宰相之任自魏晉以來相國丞相多非尋常人臣

之職

晉趙王倫梁王彤成都王穎南陽王保並為之

元帝渡江以王敦為丞相

轉司徒荀組為大尉以司徒官屬并丞相為留府敦不

受成帝以王導為丞相罷司徒府以為丞相府導薨罷

丞相府復為司徒府宋孝武帝初唯以南郡王義宣為

丞相而司徒府始如故亦有相國丞相金章紫綬進賢

三梁冠絳服佩山玄玉相國則綠螭綬也齊丞相不用

人以為贈官梁罷相國置丞相罷丞相置司徒陳又置

相國位列丞相上并丞相並為贈官按自魏晉以來宰相但以他官參掌機密或委知政事者則是矣無有常官其相國丞相或為贈官或則不置自為崇尊之位多非人臣之職其真為宰相者不必居此官

魏文帝以劉放孫資為中

書監令並掌機密晉武帝詔以荀勗為中書監侍中毗贊朝政張華為中書令侍中劉卞謂華曰公居阿衡之地是也然或掌機密或錄尚書或綜機權或管朝政或單侍中或給事中或受顧命皆為宰相也然侍中職任機務之司不必他名亦多為宰相後魏舊制有大將軍不置太尉有丞

相不置司徒自正光以後始俱置之

神瑞元年置八大神瑞元年置八大

號八公然而尤重門下官多以侍中輔政則侍中為樞密

之任北齊乾明中置丞相河清中分為左右各置府僚

然而為宰相秉持朝政者亦多為侍中後周大象宰相亦

其任也其後亦置左右丞相大象二年以楊堅為大丞

相遂罷左右丞相官隋有內史納言

即中書令侍中

是為宰相

亦有他官參與焉

柳述為兵部尚書參掌機密又楊素為右僕射與高頴專掌朝政

唐

侍中中書令是真宰相

尚書左僕射亦嘗為宰相其間或改為納言內史左右相黃

門監紫薇令等名其本即侍中中書令也共有四員其  
其僕射貞觀末始加平章事方為宰相具僕射篇

餘以他官參掌者無定員但加同中書門下三品

貞觀十七

年以兵部尚書李勣同中書門下三品自此始也及平章事知政事參

知政事參與政事及平章軍國重事之名者並為宰相

亦漢行丞相事之例也

韓安國為御史大夫行丞相事後漢書曰周澤行司徒事如真

自先天之前其員頗多景龍中至十餘人開元以來常

以二人為限或多則三人

武太后聖歷三年四月敕同中書門下三品平章事賜會

並同中書門下三品例開元十年十一月敕自今以後中書門下宜共食實封三百戶二十二年十一月制宰

相兼官者並兩給俸祿

天寶十五載之後天下多難勲賢並建故



備位者衆然其秉鈞持衡亦一二人而已

舊制起居舍人及起居郎

唯得對仗承旨仗下之後謀議不得聞武太后時文昌右丞姚璿以為帝王謨訓不可無紀若不宣自宰相史官無從而知表請仗下所言軍國政要則宰相一人撰錄每月封送史館謂之時政記自璿始也

舊制

宰相常於門下省議事謂之政事堂至永淳三年七月

中書令裴炎以中書執政事筆其政事堂合在中書遂移在中書省開元十二年張說奏改政事堂為中書門

下其政事印亦改為中書門下之印

至德二載三月宰相分直主政事筆

每一人知十日貞元十年五月八日又分每日一人執筆

丞相司直

漢武元狩五年置掌佐丞相舉不法位在司隸校尉上翟方進為司直旬歲間免兩司隸

後漢罷丞相光武以武帝故事置司徒司直居司徒府助司徒督錄諸州郡所舉上奏司直考察能否以別虛實建武十一年省獻帝建安八年復置司直不屬司徒掌督中都官不領諸州九年詔司直皆比司隸校尉坐同席在上假傳置也後無

臣謹按伏湛光武以其才任宰相拜為司直行大司徒事

丞相長史

漢文帝二年置一丞相有兩長史蓋衆史之長也職無不監介憤進賢一梁冠朱衣銅印

黃綬劉屈氂為左丞相分丞相兩史為兩府以待天下遠方之選得賢則拜右丞相後漢建武中省司直有長

史一人魏武為丞相以來置左右二長史而已丞相諸曹史掾屬三十御屬一魏武為丞相置徵事二人舊有東西曹自魏武大軍還鄴乃省西曹及咸熙中司馬昭為相國相國府置中衛驍騎二將軍左右長史司馬從事中郎主簿舍人參軍東西曹及戶賊金騎兵車鍠水集法奏倉士馬媒等曹掾屬凡四十二人晉元帝以鎮東大將軍為丞相府置從事中郎分掌諸曹有錄事中郎度支中郎三兵中郎其參軍則有諮議參軍二人主諷議事江左初置軍諮祭酒有錄事記室東曹西曹等十三曹其後又置七曹宋武帝為相合中兵直兵置一參軍曹則猶二也又有參軍督護東曹督護二督護江左置也

門下省第三

門下省後漢謂之侍中寺

嘉平六年改侍中寺

晉志曰給事黃門

侍郎與侍中俱管門下衆事或謂之門下省至齊亦呼

侍中為門下領給事黃門侍郎公車太學太醫等令丞

及內外殿中監內外驛驕廐散騎常侍給事中奉朝請

駙馬都尉等官梁門下省有侍中給事黃門侍郎四人

掌侍從儼相盡規獻納糾正違闕監合嘗御藥封璽書

後魏尤重北齊門下省掌獻納諫正及司進御之職有

侍中給事黃門侍郎各六人統左右局左右局掌承尚  
華閤內諸事

食尚藥尚衣殿中領殿中監掌駕前奏引行事制諸  
脩補東耕則進招事隋改為殿內凡

六局焉隋門下省有納言二人給事黃門侍郎四人

煬帝

減二人及散騎常侍諫議大夫等官並掌陪從朝直兼統

六局開皇三年罷門下省員外散騎常侍員煬帝即位

加給事員廢常侍諫議等官又改殿內省隸門下省唐

龍朔二年改門下省為東臺咸亨初復舊至武太后臨

朝光宅初改為鸞臺神龍初復舊開元元年改為黃門

省五年復舊有侍中二人黃門侍郎二人給事中四人

左散騎常侍二人諫議大夫四人典儀二人起居郎左

補闕左拾遺各二人城門郎四人符寶郎四人弘文館校書二人其餘小吏各有差

侍中

周公戒成王立政之篇所云常伯常任以為左右即其任也秦為侍中本丞相吏也使五人往來殿

內東廂奏事故謂之侍中漢侍中為加官漢儀注曰諸吏給事中曹諸吏散騎中常侍皆為加官漢儀注曰諸吏給事中日上朝謁平尚書奏事分為左右曹所加或列侯將軍卿大夫郎將都尉尚書太醫太官史令至郎中多至數十人侍中中常侍得入禁中諸曹受尚書事諸吏得舉法漢侍中冠武弁大冠亦曰惠文冠加金璫附蟬為文貂尾為飾侍中服則左貂常侍服則右貂此本趙武靈王胡服之制秦破趙得其冠以賜侍中漢則因之故便繁左右與帝升降舊用儒者勲貴子弟樂其觀好至乃襁褓坐受寵位俱帶脂粉綺襦紈袴鳴鵲冠直侍左右

分掌乘輿服物下至褻器虎子之屬武帝時孔安國為侍中以其儒者特聽掌御唾壺朝廷榮之本有僕射二人蓋秦漢以待中功高者一人為僕射後光武改僕射為祭酒或置或否而又屬少府掌贊導衆事顧問應對法駕出則多識者一人負國璽操斬白蛇劍參乘餘皆騎在乘輿後獻帝即位初置六人贊法駕出則次直侍中一人護駕正直一人負璽陪乘不帶劍餘皆騎從殿內門下衆事皆掌之後選侍中皆舊儒高德學識淵懿仰占俯視切問近對喻旨公卿上殿稱制秉笏陪見舊在尚書令僕射下尚書上司隸校尉見侍中執版揖侍中舊與中官俱止禁中因武帝時侍中莽何羅挾反謀逆由是出禁外有事乃召之畢即出王莽秉政侍中復入與中官止禁中章帝元和中郭舉與後宮通拔佩刀驚上舉伏誅侍中由是復出外秦漢無定員蔡質漢儀曰員本八人魏晉以來置四人別加官者則非數御登樓與散騎常侍扶侍中居左常侍居右備切問近對拾

遺補闕及江左興寧四年桓溫奏省二人後復舊侍中  
漢代為親近之職魏晉選用稍增華重而大意不異武  
冠絳朝服佩水蒼玉舊選列曹尚書美遷中領護吏部  
尚書宋文帝元嘉中王華王曇首殷景仁等並為侍中  
情任親密齊侍中高功者稱侍中祭酒其朝會多以美  
姿容者兼官永元三年東昏南郊不欲親朝事以主壘  
陪乘前代未嘗有梁侍中高功者在職一年詔加侍中  
祭酒與散騎侍郎高功者一人對掌禁令此頗為宰相  
矣陳侍中亦如梁制後魏置六人加官在其數宜都王  
穆壽廣平公張黎並以侍中輔政北齊侍中亦六人後  
周初有御伯中大夫二人掌出入侍從屬天官府保定  
四年改御伯為納言斯侍中之職也宣帝末又別置侍  
中為加官隋又改侍中為納言置二人煬帝大業十二  
年又改納言為侍內隋氏諱忠故也唐初為納言武德  
四年改為侍中亦置二人龍朔二年改為左相咸亨元  
年復舊光宅元年又改為納言神龍元年復為侍中開



元元年又改為黃門監五年復為侍中天寶元年改為左相至德初復為侍中自隋至唐皆為宰相舊班正三品大歷二年升為從二品按令文掌侍從負寶獻替贊相禮儀審署奏抄駁正違失監封題給驛券監起居注總判省事

臣謹按晉武帝時彭權為侍中帝問侍臣髦頭之義何也權曰秦紀云秦國有怪獸觸山截波無不崩潰唯畏髦頭故使持之以衛至尊也

門下侍郎

秦官有黃門侍郎漢因之與侍中俱管門下

人執麾凡禁門黃闥故號黃門其官給事於黃闥之內故曰黃門侍郎初秦漢別有給事黃門之職揚雄嘗為

之後漢併為一官故有黃門侍郎掌侍從左右給事中  
使闕通中外及諸王朝見於殿上引王就坐無員屬少  
府日暮入對青瑣門拜故謂之夕郎獻帝初即位置侍  
中給事黃門侍郎員各六人出入禁中近侍帷幄省尚  
書事後改給事黃門侍郎為侍中侍郎去給事黃門之  
號旋復故初誅黃門後侍中侍郎出入禁闥機事頗露  
由是王允乃奏比尚書不得出入不通賓客自此始魏  
晉以來給事黃門侍郎並為侍衛之官員四人宋制武  
冠絳朝服多以中書侍郎為之齊亦管知詔令呼為小  
門下梁增品第與侍中同掌侍從賓相威儀盡規獻納  
糾正違闕監合嘗御藥封璽書陳制亦然後魏亦有崔  
光為之未嘗留心文案唯從容論議參贊大政北齊置  
六人所掌與侍中同後周天官府置御伯下大夫一人  
武帝改為納言下大夫隋六人屬門下省至煬帝減二  
人而去給事之名唐龍朔二年改黃門侍郎為東臺侍  
郎咸通元年復舊光宅元年改為鸞臺侍郎神龍元年

復舊天寶元年改為門下侍郎員二人掌侍從署奏抄駁正違失通判省事若侍中闕則監封題給驛券

給事中

加官也秦置漢因之所加或大夫博士議郎掌顧問應對位次中常侍侍中黃門無員漢官表

曰凡侍中左右曹諸吏散騎中常侍皆加官也諸給事中日上朝謁平尚書奏事分為左右曹以有事殿中故曰給事中漢東京省魏代復置或為加官或為正員晉無加官亦無常員在散騎常侍下給事黃門侍郎上武冠絳朝服宋齊隸集書省梁陳亦掌獻納省諸聞奏後魏無員北齊亦屬集書省凡六十人後周天官之屬有給事中士六十人掌理六經及諸文語給事左右其後別置給事中在六官之外隋初無至開皇六年始於吏部置給事郎凡置八郎煬帝乃移吏部給事郎為門下之職位次黃門下置員四人以省讀奏案唐武德三年改給事郎為給事中後定為四員龍朔二年改為東臺舍人咸亨元年復舊常侍從讀署奏抄駁正違失分判

省事若侍中侍郎並闕則監封題給驛券前代雖有給事中之名非今任也今之給事中蓋因古之名用隋之職

散騎常侍

自秦置散騎又置中常侍其散騎並乘輿專獻可替否騎而散從無常職也中常侍得入

禁中漢因之並用士人無常員皆加官後漢省散騎而中常侍改用宦者魏文帝黃初初置散騎合於中常侍謂之散騎常侍復用士人始以孟達補之久次者為祭酒散騎常侍掌規諫不典事貂璫插右騎而散從又有員外者因曰員外散騎常侍晉泰始中令員外散騎常侍二人與散騎常侍通員直因曰通直散騎常侍亦武冠右貂金蟬絳朝服佩水蒼玉雖隸門下而別為一省自魏至晉共平尚書奏事東晉乃罷之而以中書職入散騎省故散騎亦掌表詔焉宋置四人屬集書省齊散騎侍郎通直散騎侍郎員外散騎侍郎並為集書省職

而散騎常侍為東省官散騎常侍通直散騎常侍員外散騎常侍舊為顯職與侍中通官其通直員外用衰老人士故其官漸替宋大明中雖革選比侍中而人情久習終不見重尋復如初梁謂之散騎省天監六年詔又革之自是散騎視中丞通直視侍中員外視黃門郎然常侍終非華胄所悅常侍亦四人功高者一人為祭酒與侍中高功者一人對掌禁令糾諸道違陳因梁制後魏北齊皆為集書省掌諷議左右從容獻納領諸散騎常侍侍郎及諫議大夫給事中等官兼以出入王命位在中書之右其資叙為第三清故明毫為常侍加武勇將軍進曰臣本官常侍是第三清今授武勇其號至濁北齊常侍定限八員如金紫光祿大夫隋諸散騎官並屬門下省凡歷代散騎官有郎騎常侍郎騎常侍散騎常侍散騎侍郎員外郎散騎常侍員外散騎侍郎通直散騎常侍通直散騎侍郎故史傳中謂員外散騎侍郎或單謂之員外郎謂通直散騎侍郎或單為通直郎其

非員外及通直者或謂之正員散騎侍郎或單謂之正員郎唐貞觀二年制諸散騎常侍皆為散官從三品後悉省之十七年復置為職事官始以劉洎為之顯慶二年遷二員隸中書遂分為左右並金蹕珥貂左屬門下右屬中書左散騎與侍中左貂右散騎與中書令右貂謂之八貂龍朔二年改左右散騎常侍為左右侍極咸亨元年復舊

臣謹按山公啓事曰郊詵才志器局為黃散黃散謂黃門侍郎及散騎常侍又曰散騎常侍闕當取素行者補之

諫議大夫

秦置諫議大夫掌論議無常員多至數十人屬郎中令至漢武帝元狩五年始更置之及

後漢增諫大夫為諫議大夫亦無常員二漢並屬光祿  
勳後魏亦曰諫議大夫北齊有七人屬集書省後周地  
官府有保氏下大夫規諫於天子蓋此其任也隋亦曰  
諫議大夫置七人屬門下省煬帝廢之唐武德五年復  
置屬門下龍朔二年改諫議大夫為正諫大夫武后臨  
朝垂拱二年六月置匭四區共為一室列於朝堂令正  
諫大夫補闕拾遺等一人充使知匭事後又置諫議大  
夫屬中書開元以來廢正諫大夫復以諫議大夫屬門  
下凡四人掌侍從規諫貞元四年分為  
左右各四員其右諫議大夫隸中書省

臣謹按至德元年九月制諫議大夫論事自今以後  
不須令宰相先知乾元二年四月兩省諫官十日一  
上封事直論得失無假文言冀成殿最用存沮勸

起居

周官有左史記言右史記事蓋今起居之本漢武帝有禁中起居後漢馬皇后撰明帝起居注則漢

起居

似在宮中為女史之任又王莽時置柱下五史秩

如御史

聽事侍傍記其言行此又起居之職自魏至晉

起居

注則著作掌之其後起居皆近侍之臣錄記也錄

其言行

與其動作歷代有其職而無其官後魏始置起

居令

史每行幸宴會則在御左右記錄帝言及宴賓客

訓答

後又別置修起居注二人以他官領之北齊有起

居省

後周有外史掌書王言及動作之事以為國志即

起居

之職又有著作二人掌綴國錄則起居注著作之

任自此

而分也至隋初以吏部散官及校書正字有叙

述之才

者掌起居之職以納言統之至煬帝以為古有

外史

今著作如外史矣宜置起居官以掌其內乃於內

史省

置起居舍人二員次內史舍人下唐貞觀二年省

起居

舍人移其職於門下置起居郎二人顯慶中復於

中書省

置起居舍人遂與起居郎分掌左右龍朔三年



改郎為左史舍人為右史咸亨元年復舊天授元年又為左右史神龍初復舊每皇帝御殿則對立於殿下有命則臨陞俯聽退而書之以為起居注凡冊命啓奏封拜薨免悉載之史館得之以撰述焉

補闕拾遺

詩云衮職有闕仲山甫補之後漢伏湛出入禁闥拾遺補闕唐武后垂拱中因以置官補

闕拾遺左右各二員掌供奉諷諫天授二左右各增三員通前為十員三年舉人無賢愚咸加擢用高者試鳳閣侍郎給事中次或試員外郎侍御史補闕拾遺校書郎時頗以為濫故著於謠曰補闕連車載拾遺平斗量把椎侍御史脫校書郎自開元以來尤為清選左右補闕各一人內供奉者各一人左右拾遺亦然左屬門下右屬中書

典儀

二人唐置周禮秋官有司儀上士八人中士十六人蓋此典儀之任也齊職儀云東宮殿中將軍屬

官有導客局置典儀錄事一人掌朝會之事梁有典儀之職未詳何曹之官掌唱警唱奏之事宋服武冠陳亦有之後魏置典儀監史闕其員及所掌唐初隸門下省初用人皆輕至貞觀末李義府為之是後常用士人領贊者以知贊唱之節及殿廷版位之次

城門郎

周禮地官有司門下大夫二人上士四人並城門郎之任初漢置城門校尉員一人秩二千石

掌城門屯兵有司馬及丞各一人十二城門侯各一人出從緹騎百二十人蓋兼監門將軍之職魏因之晉氏品第四銀章青綬絳朝服武冠佩永蒼玉元帝省之宋齊俱以衛尉掌宮城屯兵及管鑰之事梁陳二代依秦漢以光祿卿等掌宮殿門戶亦無城門之職後魏置城門校尉北齊衛尉寺統城門寺置城門校尉二人掌宮殿城門并諸倉庫管鑰之事後周地官府置宮門上士一人下士一人掌皇城十二門之禁令蓋並在其任也

隋氏門下省統城門局校尉二人煬帝大業三年又隸殿中省十二年又減一人後又改校尉為城門郎置四人又隸門下省唐因之

符寶郎

周官有典瑞掌節二官掌瑞節之事秦為符璽令漢因之置符節令丞領符璽郎昭帝幼冲霍

光秉政殿中夜驚光召符璽郎取璽郎不肯授光奪之郎按劍對曰臣頭可得璽不可得也光壯之增秩二等文帝二年初與郡守為銅虎符竹使符之制又皆屬焉後漢有符節令兩梁冠位次御史中丞別為一臺而符節令一人為臺率掌符節之事屬少府魏與後漢同晉泰始元年省并蘭臺置符節御史掌其事宋因之齊置主璽令史於蘭臺以治書侍御史領之梁陳御史臺亦有符節令史後魏御史臺置符節令領符璽郎中北齊有符節署餘與後魏同後周天官府有主璽下士四人分掌國璽之藏隋初有符璽局置監二人屬門下省煬

帝改監為郎唐因之長慶三年改為符寶郎神龍初復為符璽郎開元初復為符寶郎其符節並納於宮中有行從則請之郎掌諸進符寶出納檔節也

弘文館

唐武德初置脩文館後改名弘文館神龍初改為昭文二年又改為脩文尋又為昭文開元七

年又詔為弘文焉儀鳳中以館中多圖籍未詳正委學士校理自垂拱以來多大臣兼領館中有四部書自貞觀初褚亮檢校館務學館號為館主因為故事每令給事中一人判館事校書二人學生三十人

#### 中書省第四

中書之官舊矣謂之中書省自魏晉始焉梁陳時凡國之政事並由中書省有中書舍人五人領之主書十人

書吏二百人分掌二十一局事各當尚書諸曹並為上司總國內機要而尚書唯聽受而已被委此官多擅威勢後魏亦謂之西臺北齊中書省管司王言并司進御之樂及清商龜茲諸部伶官隋初改為內史省置令二人侍郎四人煬帝減侍郎二人舍人八人煬帝減去四人通事舍人十六人煬帝加起居舍人而改通事舍人為謁者臺職唐武德三年復中書省龍朔二年改為西臺咸亨初復舊光宅元年改為鳳閣神龍初復舊開元

元年改為紫薇省五年復舊時謂尚書省為南省門下  
中書為北省亦謂門下省為左省中書為右省或通謂  
之兩省令二人侍郎二人舍人二人右散騎常侍起居  
舍人右補闕右拾遺各二人通事舍人十六人其餘小  
吏各有差

中書令

舜攝位命龍作納言出入帝命周官內史掌王  
之八柄爵祿廢置生殺予奪執國法及國令之

貳以考政事蓋令中書之任其初置中書之名因漢武  
帝遊宴後庭始令宦者典事尚書謂之中書謁者置令  
僕射不言謁者省文也元帝時令弘恭僕射石顯秉勢  
用事權傾內外蕭望之以為中書政本宜以賢明之選

更置士人自武帝用宦者非舊制也成帝建始四年改中書謁者令曰中謁者令更以士人為之皆屬少府後漢因之魏武帝為魏王置秘書令典尚書奏事此其任也文帝黃初初改為中書令又置監以秘書左丞劉放為中書監右丞孫資為中書令並掌機密中書監令始於此也及明帝時中書監令號為專任晉因之置監令一人始皆同車及和嶠為令荀勗為監嶠素鄙荀以意氣加之專車而坐自此監令始異車魏晉以來中書監令掌贊詔命記會時事典作文書以其地在樞近多承寵任是以人固其位謂之鳳凰池晉制銅印墨綬進賢兩梁冠絳朝服佩水蒼玉乘輅車東晉嘗併其職入散騎省尋復置之宋冠佩印綬與晉同梁中書監令清貴華重大臣多領之其令舊遷吏部尚書才地俱美者為之陳因梁制後魏亦有監令高允為中書令孝文重之不名呼為令公北齊因魏制後周置內史中大夫二人掌王言亦其任也隋初改中書為內史置監令各一人

尋廢監置令二人帝廢三公府寮令中書令與侍中知政事遂為宰相之職煬帝大業十二年又改內史為內書後復為內史令唐武德初為內史令三年改為中書令亦置二人龍朔二年改為右相咸亨元年復為中書令開元元年改為紫薇令五年復為中書令天寶元年改為右相至德初復為中書令自隋至唐皆為宰相隋班正三品大歷二年升為從二品按令文掌侍從獻替制敕冊命數奏文表授冊監起居注總判省事

### 中書侍郎

漢置中書領尚書事有丞郎魏黃初初中書既置監令又置通事郎魏志曰掌詔草即漢

尚書郎之位次於黃門郎黃門郎已署事過通事乃署名已署奏入為帝省讀書可後改通事郎為中書侍郎晉置四員及江左初又改為通事郎尋復為中書侍郎其職副掌王言更入直省五日從駕則正直從次直守宋中書侍郎進賢一梁冠介幘絳朝服用散騎常侍為之齊梁皆四人梁以功高者一人主省內事陳因之後



魏北齊置四員隋初為內史侍郎亦四員煬帝減二員改為內書侍郎唐初為內史侍郎武德三年改為中書侍郎龍朔以後隨省改號而侍郎之名不易舊制正四品至大歷二年升從三品員二人掌侍從獻替制敕冊命敷奏文表通判省事

# 中書舍人

魏置中書通事舍人或曰舍人通事各為一職魏明帝時有通事劉泰晉江左乃合之謂

之通事舍人武冠絳朝服掌呈奏案章後省之而以中書侍郎一人直西省即侍郎兼其職而掌其詔命宋初又置中書通事舍人四員入直閣內出宣詔命凡有陳奏皆舍人持入參決於中自是則中書侍郎之任輕矣齊永平初中書通事舍人四員各住一省時謂之四戶權傾天下與給事中為一流梁用人殊重簡以才能不限資地多以他官兼領後除通事字直曰中書舍人專掌詔誥兼呈奏之事魏晉以來詔誥並由中書令及侍郎

掌之至是始專於舍人陳置五人後魏有舍人省而不  
言其員北齊舍人省掌署敕行下宣旨勞問領舍人十  
人後周有小吏上士二人此其任也屬春官隋內史舍  
人八員專掌詔誥煬帝減四人後改為內書舍人唐初  
為內史舍人至武德三年改為中書舍人置六員龍朔  
以後隨省改號而舍人之名不易專掌詔誥侍從署敕  
宣旨勞問授納訴訟敷奏文表分判省事自永淳以來  
天下文章道盛臺閣髦彥無不以文章達故中書舍人  
為文士之極任朝廷  
之盛選諸官莫比焉

臣謹按後漢章和以後尚書為機衡之任尚書郎舍  
香握蘭直宿於建禮門太官供膳奏事明光殿下筆  
為詔誥出語為誥令曹公為魏王置祕書令典尚書

奏事則祕書之職近密尚書之職疎遠魏文帝初改  
祕書為中書自後歷代相沿並管樞密而後漢尚書  
郎非今之尚書郎乃中書舍人也

通事舍人

秦置謁者漢因之掌領贊受命員七十人秩比六百石選孝廉年未五十威容嚴恪能備

贊者為之燕太子使荆軻劫始皇變起兩楹之間其後謁者持匕首刺腋漢高帝偃武行文故易之以版有僕射秩比千石冠高山冠後漢有常侍謁者五人謁者三十五人以謁者僕射為謁者臺主主銅印青綬天子出掌奉引謁者僕射見尚書令對揖無敬謁者見執版拜謁者初上官稱曰灌謁者滿歲稱給事胡廣云灌者明章二帝服勤園陵謁者灌柏後遂假茲名焉雷義為灌謁者使持節督郡國行風俗太守令長留者凡七十人

和帝時陳郡何熙為謁者僕射贊拜殿中音動左右然則又掌唱贊漢儀曰謁者缺選郎中美鬚眉大音者以補之功次當遷欲留增秩者許之二漢隸光祿勳魏置僕射掌大拜授及百官班次統謁者十人及晉武省僕射以謁者并蘭臺江左復置僕射後又省宋武帝大明中復置僕射一人職與魏同亦領謁者十人掌小拜授及百官報章齊因之梁謁者臺僕射掌朝覲賓享之事屬官謁者十人掌奉詔出使拜假朝會賓贊功高者一人為假史掌差次謁者陳亦有之後魏北齊謁者臺掌凡諸吉凶公事導相禮儀僕射二人謁者三十人隋煬帝增置謁者司隸二臺并御史為三臺謁者臺有大夫一人掌受詔勞問出使慰撫持節策授及受冤枉而申奏之駕出對御史引駕領議郎以下官其屬官有丞主簿錄事等尋詔門下內史御史司隸謁者五司監受表以為常式不復專任謁者矣隋初始置通事舍人十六員承旨宣傳開皇二年又增為二十四員及煬帝置謁

者臺乃改通事舍人為謁者臺職謂之通事謁者置二十人又於建國門外置四方館以待四方使者隸鴻臚寺唐廢謁者臺復以其地為四方館改通事謁者為通事舍人掌通奏引納辭見承旨宣勞皆以善辭令者為之隸四方館而又屬中書省

### 集賢殿書院

唐開元中置漢魏以來祕書省有其職梁武帝於文德殿內列藏衆書北齊有文林

館學士後周有麟趾殿學士皆掌著述隋平陳之後寫書正副二本藏于宮中煬帝於東都觀文殿東西廂貯書自漢延熹至隋唐皆祕書掌圖籍而禁中之書時或有焉及太宗在藩邸有秦府學士十八人其後弘文崇文館皆有學士則天時亦有珠英學士皆其任也開元五年十一月於乾元殿東廊下寫四部書仍令祕書監馬懷素右散騎常侍褚無量總其事於麗正殿安置為修書使至十三年學士張說等宴於集仙殿於是改殿

名集賢改修書使為集賢殿書院學士五品以上為學士六品以下為直學士每以宰相為學士者知院事初燕國公張說為中書令以為大學士知院事說累辭大字詔許之其後更置修撰校理官又有待制官名其來尚矣漢世朱買臣待詔公車東方朔等待詔金馬門是也又有侍講學士開元中褚無量馬懷素侍講禁中為侍讀其後康子元等為侍講學士修撰官校理為司直學士

**史館**

史官黃帝有之自後顯著夏太史終古商太史向摯周則曰大史小史內史外史而諸侯之國亦置

其官又春秋國語引周志及鄭書似當時記事各置其職秦有太史令胡毋敬至漢武始置太史以司馬談為之卒其子遷嗣卒後宣帝以其官為令行太史公文書其修撰之職以他官領之於是太史之官唯知占候而已自漢以前職在太史當王莽時改置柱下五史記疏言行自後漢以後至于有隋中間唯魏明太和史職

隸中書其餘悉多隸祕書唐武德初因隋舊制史官屬祕書省著作局至貞觀三年閏十二月移史館於門下省北宰相監修自是著作局始罷史職及大明宮初成置史館於門下省之南其修撰史事以他官兼領或卑品而有才者亦直焉開元二十五年宰相李林甫監史以中書地切樞密記事者宜其附近遂移於中書省北其地本尚藥局內藥院

通志卷五十二

欽定四庫全書薈要卷八千九百五十二

史部

通志卷五十三

宋 右迪功郎鄭樵漁仲撰

職官略第三

尚書省第五上

并總論尚書

秦時少府遣吏四人在殿中主發書故謂之尚書尚猶主也漢承秦置及武帝遊宴後庭始用宦者主中書以司馬遷為之中間遂罷其官以為中書之職至成帝建



始四年罷中書宦者又置尚書五人一人為僕射四人  
分為四曹通掌圖書祕記章奏之事及封奏宣示內外  
而已其任尤輕至後漢則為優重出納王命敷奏萬機  
蓋政事之所由宜選舉之所由定罪賞之所由正斯乃  
文昌天府衆務淵藪內外所折衷遠近所稟仰故李固  
云陛下之有尚書猶天之有北斗斗為天之喉舌尚書  
亦為陛下之喉舌斗斟酌元氣運平四時尚書出納王  
命賦政四海令及左丞總領綱紀無所不統僕射及右

丞分掌廩假錢穀漢初尚書雖有曹名不以為號及靈  
帝以侍中梁鵠為選部尚書於是始見曹名總謂之尚  
書臺亦謂之中臺大事八座連名而有不合得建異議  
二漢皆屬少府魏置中書有監監令遂掌機衡之任而  
尚書之權漸減矣晉以後所掌略同八座丞郎初拜並  
集都省交禮遷職又解交本漢制也至於晉宋唯八座  
解交丞郎不復解交也宋曰尚書寺居建禮門內亦曰  
尚書省亦謂內臺每八座以下入寺門生隨入者各有

差不得雜以人士凡尚書官大罪則免小罪遣出遣出者百日無代人聽還本職其令及二僕射出行分道之制與中丞同令僕各給威儀十八人自晉以後八座及郎中多不奏事梁天監元年詔曰自禮闈陵替歷茲永久郎寺備員無取職事糠粃文案貴尚虛閒空有趨墀之名了無握蘭之實曹郎可依昔奏事自是始奏事矣又詔尚書中有疑事先於朝堂參議然後啟聞舊尚書官不以為贈唯朱异卒特贈右僕射武帝寵之故也自

魏晉重中書之官居喉舌之任則尚書之職稍以疎遠

至梁陳舉國機要悉在中書獻納之任又歸門下而尚

書但聽命受事而已後魏天興元年置八部大人於皇

城四方四維面置一人以擬八座謂之八國各有屬官

分尚書三十六曹天賜元年罷尚書三十六曹別置武

歸修勤二職分主省務

武歸比郎中  
修勤比令史

至神龜元年始置

僕射左右丞及諸曹尚書十餘人各居別寺北齊尚書

省亦有錄令僕射總理六尚書事謂之都省亦謂之北

省後濟北王以太子監國立大都督府與尚書省分理

衆事仍開府置佐後周無尚書隋及唐皆有其制畧同

凡尚書省事無不總龍朔二年改尚書省為中臺咸亨

初復舊光宅元年改為文昌臺垂拱元年又改為都臺

咸通初復舊長安三年又改為中臺神龍初復為尚書

省亦謂南省都堂居中左右分司都堂之東有吏部戶部禮

部三行每行四司左司統之都堂之西有兵部刑部工

部三行每行四司右司統之凡二十四司分曹共理而

天下之事盡矣左右僕射各一人總統省事左丞一人

掌轄吏部戶部

禮部十二司事右丞一人

掌轄兵部刑部工部十二司事

左右司郎中

各一人員外郎各一人

各掌付左右丞所管諸司事

尚書六人

吏部禮部

刑工六部

侍郎九人

吏部戶部兵部各二人餘各一人

郎中二十八人

吏部戶部兵部刑部各二人餘

員外郎二十九人

吏部兵部

各一人并左右司則三十人

都事六人

四部及司勳各二人餘司各一人并左右司共三十一人

臣謹按蔡質漢儀曰凡三公列卿將大夫五營校尉

行複道中遇尚書令僕射左右丞郎御史中丞侍御

史皆避車先相迴避衛士傳不得迂臺官臺官過乃得去至晉宋以來尚書官上朝及下禁斷行人猶其制也

錄尚書

尚書令

僕射

左右丞左右司郎中員外郎附

尚書總

序

八座附

郎官總序

都事主事令史總序

行臺

省總序

錄尚書

自漢武帝時左右曹諸吏分平尚書奏事知樞要者始領尚書事張安世以車騎將軍霍光以

大將軍王鳳以大司馬師丹以左將軍並領尚書事後漢章帝以太傅趙喜太尉牟融並錄尚書事尚書有錄

名蓋自喜融始亦西京領尚書事之任也和帝時太尉  
鄧彪為太傅錄尚書事位在三公上漢制遂以為常每  
少帝立制置太傅錄尚書事猶古冢宰總已之義薨輒  
罷之鄧彪錄尚書事後以老病上還樞機職又李固張  
禹張防並錄尚書事自魏晉以後亦公卿權重者為之  
職無不總晉宗室會稽王道子及世子元顯並錄尚書  
事時道子為東錄元顯為西錄晉康帝時何充解錄表  
曰成康中分置三錄王導錄其一荀崧陸晔各錄一條  
事晉江左有四錄則四人參錄也凡重號將軍刺史皆  
得命曹授用唯不得施陳及加節宋孝武孝建中不欲  
威權外假省錄大明末復置此後或置或省齊世錄尚  
書令並總領尚書臺二十曹為內臺主行遇諸王以下  
皆禁駐號為錄公齊明帝為宣成王錄尚書廢帝昭業  
思蒸魚太官以無錄公命不與高帝崩遺詔以褚彥回  
錄尚書事江左以來無單為錄者有司擬立優策王儉  
議宜有策書乃從之北齊錄尚書一人位在令上掌與



令同俱不糾  
察自隋而無

尚書令

商湯制官有冢宰君薨則百官總已以聽焉故伊尹以三公攝冢宰周之冢宰為天官掌邦之

治六卿之職總屬焉於百官無所不主至秦置尚書令尚主也漢因之銅印青綬武帝用宦者更為中書謁者令成帝去中書謁者令官更以士人為尚書令時弘恭石顯相繼為中書令專權邪僻前將軍蕭望之領尚書事建言以為尚書百官之本國家樞機宜以通明公正之人處之武帝遊宴後庭故用宦者非古制也宜罷中書宦官後漢眾務悉歸尚書三公但受成事而已尚書令主贊奏事總領紀綱無所不統與司隸校尉御史中丞朝會皆專席而坐京師號曰三獨坐故公為令僕射者朝會不陞奏事天子封禪則尚書令奉玉牒檢兼藏封之禮魏晉印綬與漢同冠進賢兩梁納言幘五時朝服佩水蒼玉受拜則策命之以在端右故也薨於朝堂

發哀太熙元年詔曰夫總百揆之得失管王政之開塞者端右之職也是以自漢代以來慎選其人議郎王戎可為尚書令自魏晉以下任總機衡事無大小咸歸令僕齊梁舊用左僕射美遷司空梁陳並有之後魏北齊掌彈糾見事與御史中丞更相廉察隋亦總領衆務唐尚書令朝服鷩冕八旒七章三梁冠武德初太宗為秦王嘗居之其後入臣莫敢當故自龍朔三年制廢尚書令至廣德中郭子儀勲業既盛乃特拜焉子儀以文皇帝故讓不敢受

臣謹按謝朓為司徒尚書令朓辭脚疾不堪朝謁仍角中自輿詣雲龍門謝既見乘小車就席

僕射

秦官漢因之自侍中尚書博士郎皆有之古者重武官以善射者掌事故有主射以督課僕主也軍

屯吏騶宰永巷宮人皆有僕射隨所領之事以為號也  
成帝建始元年初置尚書五人以一人為僕射主封門  
掌授廩假錢穀而鄭崇為尚書僕射亦數諫諍每見屯  
革履上笑曰我識鄭尚書履聲後漢尚書僕射一人署  
尚書事令不在則奏下眾事印綬章服與令同獻帝建  
安四年以執金吾榮邵為左僕射衛臻為右僕射侍者  
分置左右蓋自此始經魏至晉及於江左省置無常置  
二則為左右僕射或不兩置但曰尚書僕射令闕則左  
為尚書省主若並闕則置尚書僕射以主左事置祠部  
尚書以掌右事則尚書僕射祠部尚書不恒置矣宋尚  
書僕射勝右減左右居二者之間僕射職為執法置二  
則為左右執法又與尚書分領諸曹兼掌彈舉故王弘  
為僕射奏彈康樂縣侯謝靈運淫其孽女請免官削爵  
付大理內臺舊體不得用風聲舉彈此事彰赫暴之朝  
野不敢拱默武帝令免官而已齊左右僕射行則分道  
左僕射領殿中主客二曹右僕射領祠部儀曹黃案左

僕射上署右僕射次署凡僕射掌朝覲尚書掌獻奏都  
丞任在彈違齊梁舊制右僕射遷左僕射左僕射美遷  
令其僕射處於中陳亦然後魏二僕射左居上右居下  
北齊僕射職為執法置二則為左右僕射皆與令同左  
紕彈而右不紕彈隋文帝開皇三年詔左右僕射從二  
品左掌判吏部禮部兵部三尚書御史紕不當者兼紕  
彈之右掌判都官度支工部三尚書又知用度餘並依  
舊唐左右二僕射因前代本副尚書令自尚書令廢闕  
二僕射則為宰相故太宗謂房玄齡杜如晦曰公為僕  
射當洞開耳目訪求賢才是為宰相宏益之道今以決  
辭聽訟不暇豈助朕求賢之意乃令尚書細務悉委於  
兩丞其寬濫大故當奏聞者則闕於僕射及貞觀末除  
拜僕射必如同中書門下平章事及參知機務等名方  
為宰相不然則否然為僕射者亦無不加焉至開元以  
來則罕有加者初龍朔二年改左右僕射為左右匡政  
咸通元年復舊官品第四上元三年閏三月制尚書省

頒下諸州府宜用黃紙武太后改二僕射為文昌左右  
相進階為從三品尋復本階神龍初復為左右僕射二  
年九月勅門下及都省宜曰別錄制勅三月一進開元  
元年改為左右丞相從二品統理衆務舉持綱目總判  
省事御史糾不當者魚得  
彈之至天寶元年復舊

臣謹按漢儀丞相進天子御坐為起在輿為下有疾  
法駕至第問得戮二千石申屠嘉欲斬內史鼂錯是  
也臣又按後魏之制令僕射中丞駙唱而入宮門至  
於馬道及郭祚為僕射以為非盡恭之宜乃奏請御  
在太極駙唱至公車門御在朝堂止司馬門駙唱不

入宮自此始也臣又按唐開元二年四月勅在京有  
訴寃者並於尚書省陳牒所司為理若稽延致有屈  
滯者委左右丞及御史臺訪察聞奏如未經尚書省  
不得輒於三司越訴

左右丞

秦置尚書丞一人屬少府漢因之至成帝建始  
四年置丞四人及後漢光武始減其二唯置左

右丞佐令僕之事臺中紀綱無所不總左丞主吏民章  
服及駙伯史右丞與僕射皆掌授廩假錢穀又假署印  
綬及紙筆墨諸財用庫藏左右丞闕以次夕郎補之三  
歲為刺史漢御史中丞侍御史行複道中遇尚書及丞  
郎避車執版揖丞郎坐車舉手禮之車過遠乃去尚書  
言左右丞敢告知如詔書律令郎見左右丞對揖無敬

稱曰左右君丞郎見尚書執版揖稱曰明時郎見令僕  
執版拜朝賀對揖魏晉左右丞銅印青黑綬進賢一梁  
冠介幘絳朝服左丞主臺內禁令寢廟祠祀朝儀禮制  
選用置吏糾諸不法無所迴避兼糾彈之事右丞掌臺  
內庫藏廬舍凡諸器用之物及刑獄兵器器督錄遠道文  
書章表奏事宋因之而右丞亦主錢穀皆銅印黃綬白  
案則右丞上署左丞次署黃案則左丞上署右丞次署  
諸立格制及詳讞大事郊廟朝廷儀禮亦左丞上署右  
丞次署梁皆銅印黃綬一梁冠陳因之後魏北齊左丞  
為上階右丞為下階北齊左丞掌吏部考功主爵殿中  
儀曹三公祠部主客左右中兵左右外兵都官二千石  
度支左右戶十七曹并糾彈見事入主管轄臺中違失  
並糾駁之右丞掌駕部虞曹屯田起部兵部比部水部  
膳部金部倉部庫部十一曹亦管轄臺中唯不糾彈餘  
悉與左同隋左右丞掌分尚書諸司糾駁唐因隋制龍  
朔二年改為左右肅機咸通元年復舊左丞掌管轄諸

司糾正省內幹吏部戶部禮部等十二司通判都省  
事右丞掌管兵部刑部工部等十二司餘與左丞同

臣謹按晉傅咸答辛曠詩序曰尚書左丞彈八座以  
下居萬機之會乃皇朝之司直天臺之管轄又郅詵  
為左丞奏推吏部尚書崔洪洪曰我舉郅丞而還奏  
我此挽弓自射又按齊任遐為右丞奏御史中丞陸  
澄不糾事請免澄官是右丞可以糾御史也又按隋  
元壽為尚書左丞蕭摩訶妻患將死奏令其子向江  
南收家產壽奏劾之曰摩訶遠念資財近忘匹好令



其子捨危懼之母為聚斂之行御史韓微之等見而不彈請付大理臣忝居左轄無容寢默是左丞亦可以糾御史也

左右司郎中

隋煬帝三年於尚書都省初置左右司郎中二人品同諸曹郎從五品掌都省之職唐

貞觀二年改為郎中龍朔二年改為左成務咸通元年復舊令掌副左右丞所管諸司事省署抄目勘稽失知省內宿直判都省事若右司不在則左併行之左司不在右亦如之

員外郎

唐武后永昌元年置與郎中分掌曹務神龍元年省二年復置

尚書總序

八座附

秦尚書四人漢成帝初置尚書五人其一人為僕射四

人分為四曹

尚書曹名自此而有

常侍曹

主公卿

二千石曹

主郡國二千石

民曹

主凡吏民上書

客曹

主外國夷狄

後又置三公曹

主斷獄

是為五

曹後漢尚書五曹六人其三公曹尚書二人

掌天下歲盡集課州

郡吏曹

掌選舉齊祠後漢志謂之常侍曹亦謂之選部

二千石曹

掌中郤官水火盜賊辭訟

罪法亦謂之賊曹

民曹

掌繕理工作鹽池苑囿

客曹

掌羌胡朝賀法駕出則護駕後漢光武分

二千石曹及客曹為南主客北主客二曹

兩梁冠納言幘或說有六曹

業後漢志

云分客曹為二是為六曹張陵為尚書歲朝梁冀帶劔入省陵叱令奪劔効冀詔以歲俸贖又鄭均為尚書淡

泊無為以病還第賜尚書祿號為白衣尚書

魏有吏部左民客曹五兵度支

凡五尚書晉初有吏部三公客曹駕部屯田度支六曹

無五兵

太康有吏部殿中五兵田曹度支左民為六曹尚

書

無駕部三公客曹

及度江有吏部祠部五兵左民度支五尚

書

皆銅印墨綬進賢兩梁冠納言幘絳朝服佩水蒼玉乘輅車皂輪執笏負荷加侍官者武官左貂金蟬

宋有吏部祠部度支左民

左民尚書統左民及駕部二曹

都官五兵六

尚書

尚書納言幘進賢兩梁冠佩水蒼玉

齊梁與宋同

侯景改梁五兵為七兵尚書又職官

錄曰齊尚書品服悉與令同

亦別有起部而不常置也

梁何胤為左民尚書後辭

官隱於若邪山雲門寺勅給白衣尚書祿又到洽為御史中丞兄溉為左民尚書舊中丞不得入尚書下舍洽

引服親不應有礙刺史省詳決乃許入溉省亦以其兄弟素篤不能相別陳與梁同後魏初

有殿中掌殿內兵樂部掌伎樂及角使伍伯駕部掌牛馬南部掌

邊州北部掌北邊五尚書其後亦有吏部初曰選部兵部都

官度支七兵祠部民曹等尚書又有金部庫部虞曹儀

曹右民宰官元禩為宰都牧元禩為都牧尚書牧曹右曹太倉

太官祈曹神都儀同曹等尚書自金部以下但有尚書之名而不詳職事北

齊有吏部殿中殿中統殿中曹主駕行百官留守名祠

部五兵都官度支六尚書後周無尚書隋有吏禮兵刑

戶工六部尚書唐尚書與隋同

龍朔二年改尚書為太常伯咸通初復舊歷

代吏部尚書及侍郎品秩悉高於諸曹

八座後漢以六曹尚書并令僕二人謂之八座魏以五

曹尚書二僕射一令為八座宋齊八座與魏同

晉梁陳不言八

座之數

隋以六尚書左右僕射及令為八座唐與隋同

凡歷

代尚書有五曹則以二僕射一令為八座有六曹則以左右僕射為一座兼令共為八座若有六曹而左右僕射並闕則以尚書僕射及令為八座若尚書唯有五曹又無左右僕射則不備矣

# 郎官總序

郎官謂之尚書郎漢置四人分掌尚書事一人主匈奴

單于營部一人主羌夷吏民一人主戶口墾田一人主

財帛委輸後漢尚書侍郎三十六人

後漢志曰尚書六曹侍郎三十六人

一曹六人也

主作文書草取孝廉年未五十先試牋奏選有

吏能者為之從三署諸臺試初上臺稱守尚書郎中滿

歲稱尚書郎三歲稱侍郎五歲遷大縣其遷為縣令縣

令秩滿自占縣詔書賜錢三萬與三臺租錢餘官則否

吏部典劇多超遷者鄭弘為僕射奏以臺職任尊而賞薄人無樂者諸吏郎補二千石自此始也八座受成事

決於郎下筆為詔策出言為誥命

後漢尚書陳忠上疏曰尚書出納帝命為

王喉舌之官臣等既愚闇詣郎多文俗吏鮮有雅才每為詔文宣示內外轉相求請其入直官供

青縑白綾被或以錦縹為之

縹私列反縹繫也

給帳帷茵褥通

中枕太官供食物湯官供餅餌及五熟果實之屬五日

一美食下天子一等給尚書郎侍史一人女侍史二人

皆選端正妖麗執香鑪香囊護衣服奏事明光殿省省

中皆以胡粉塗壁畫古賢烈女以丹朱漆地故謂之丹

墀尚書郎口含鷄舌香以其奏事答對欲使氣息芬芳

也奏事則與黃門侍郎對揖黃門侍郎稱已聞乃出丞

郎月賜赤管大筆一雙隄廩墨一笏

馮豹為尚書郎每奏事未報常俯伏

省閣下或從昏至明天子默使持被覆之不驚也日暮諸郎下豹每獨在後帝嘉之隄廩今沂陽縣出墨魏

自黃初改祕書為中書置通事郎掌詔草

即今中書舍人之任

而

尚書郎有二十三人

有殿中更部駕部金部虞曹比部南主客祠部度支部農部水部

儀曹三公倉部民曹二千石中兵外兵別兵都兵考功定課

非復漢時職任青龍二



年尚書令陳矯奏置都官騎兵合凡二十五郎每一郎

缺白試諸孝廉能給文案者五人謹封奏其姓名以補

之魏韓宣為尚書郎嘗以職事當受罰已背縛束杖未行文帝輦過聞而解之晉尚書郎選

極清美號為大臣之副武帝時有三十四曹加魏直事屯田起部

左士右士其民曹中兵外兵分為左右主客又為左右南北無農部定課考功凡三十四曹後又置

運曹為三十五曹置郎中二十三人更相統攝晉魏舒為尚書

郎時欲沙汰郎官非其才者罷之舒曰吾即其人也襍被而出同寮無清論者咸有愧色或為三十

六曹當五王之難其都官中騎三曹郎晝出督戰夜還

理事東晉有十五曹

殿中祠部吏部儀曹三公比部金部度支部官左民騎部倉部庫部

中兵自過江之後官資小減

王坦之選曹將擬為尚書郎坦之聞曰自過江尚書

郎正用第二人何得以此見擬其子國寶好傾側媚人

謝安惡之除尚書郎國寶以為中興膏腴之族唯作吏

郎不作餘曹郎辭不拜又宋江智淵改尚書庫部郎時

高流官序不為臺郎智淵門孤援寡此選意不悅固辭

不拜梁王筠除尚書殿中郎王氏過江以來未有居郎

署者或勸不就筠曰陸平原東南之秀王文度獨步江

東吾得比蹤昔人何桓玄僭位改都官郎為賊曹宋高

所多恨乃忻然就職

祖時有十九曹元嘉以後有二十曹郎三公比部主法

制度支主算都官主軍事刑獄其餘曹所掌各如其名

宋武帝初加置騎兵主客起部水部四曹并東晉舊十五曹合為十凡曹元嘉十八年增刪定曹郎即魏世之定科郎也三十年又置功論郎後又省騎兵故為二十曹齊依元嘉之制其拜吏部

郎亦有表讓之禮

齊謝朓遷尚書吏部郎上表三讓中書疑朓官未及讓以問沈約約曰宋

元嘉中范曄讓吏部朱循之讓黃門蔡興宗讓中書並三表詔答其事宛然近代小官不讓遂成常俗恐此有乖讓意王藍田劉安西並貴重初自不讓今豈可慕此不讓邪孫興公孔顗並讓記室今豈可三署皆讓邪謝吏部今授超階讓別有意豈關官之大小梁加三曹為二十三曹殿中虞其

郎中舊用員外郎正主簿正佐有才地者為之遷通直

郎天監三年復置侍郎視通直郎郎中遷為之

梁劉洽為尚書

殿中郎洽兄弟羣從遞居此職時人榮之又殿中郎闕武帝曰此曹舊用文學且居鴈行之首宜詳擇其人乃以張緬為之陳有二十一曹後魏三十六曹至西魏改為十

二部北齊有二十八曹

吏部考功主爵殿中儀曹三公祠部駕部主客虞曹屯田起部

左中兵右中兵左外兵右外兵都兵都官二千石比部水部膳部度支倉部左民右民金部庫部

其吏

部三公各二人餘並一人凡三十郎中

後魏北齊唯置郎中

隋初

尚書有六曹二十四司凡領三十六侍郎

吏部司勳主客膳部兵部

職方都官司門度支部比部刑部等侍郎各二人主選考功禮部祠部駕部庫部金部倉部工部屯田虞部水部侍郎分司官曹務直禁省如漢之制至開皇三年

各一人

二十四司又各置員外郎一人以司其曹之籍帳侍郎

闕則攝其曹事

今尚書員外郎其置自此始以前歷代皆謂之尚書郎各以曹名為稱首或謂

之侍郎皆無員外之號前代史傳及職官要錄或有言員外郎者蓋謂員外散騎侍郎耳非尚書之職前代所言郎官上應列宿蓋謂三署郎非謂今尚書郎中也煬帝即位以六尚書六曹各

置侍郎一人以貳尚書之職

今之侍郎其置自此始也或有曹加二人者夫侍郎

之名舊矣漢凡諸郎皆掌更直執戟宿衛諸殿門以侍衛之故通謂之侍郎故武帝時東方朔為郎當時謂之官不過侍郎位不過執戟是也歷代尚書亦有侍郎隋初尚書諸曹二十四司諸郎皆謂之侍郎通若今之郎官耳非今六部侍郎之任改諸司侍郎但曰郎則今郎自漢以來尚書侍郎悉然中之職

又改吏部為選部郎禮部為儀部郎兵部為兵曹郎刑部為憲曹郎工部為起曹郎以異六侍郎之名廢諸司員外郎而每司增置一曹郎各為二員都司置左右司郎中各一人品同諸曹郎掌都省之職尋又每減一郎置承務郎一人同開皇員外郎之職唐改隋諸司郎為郎中每曹又復置員外郎武德六年廢六司侍郎貞觀二年復舊今尚書省有左右司郎中各一人員外郎各一人分管尚書六曹事其諸曹諸司郎中總三十一人

通謂之郎官尤重其選其職任名數各列在六曹之後  
凡郎中章服皆玄冕五旒衣無章裳刺黻一章兩梁冠  
凡員外郎章服並爵弁玄纓簪尊者衣纁裳一梁冠

都事主事令史總序

都事晉有尚書都令史八人秩二百石與左右丞總知  
都臺事宋齊八人梁五人謂之五都令史職與晉同舊  
用人常輕武帝詔曰尚書五都職參政要非但總領衆  
局亦乃方軌二丞頃雖求才未臻妙簡可革用士流以

盡時彥乃以都令史視奉朝請

其時以太學博士劉訥  
兼殿中都司空法曹參

軍劉顯兼吏部都太學博士孔虔孫兼金部都司空法  
曹參軍蕭軌兼左民都宣毀墨曹參軍王顯兼中兵都  
五人並以才地  
魚美歷茲選矣隋開皇初改都令史為都事置八人煬

帝分隸六尚書置六人領六曹事唐因之

主事漢官

漢有南北庭主事三署之事於諸郎茂才者  
為之後漢范滂自光祿四行遷光祿主事時

陳蕃為光祿勳滂執公儀諸蕃蕃亦不止滂懷恨投版  
棄官而去郭泰聞之曰若范孟博者豈宜以公禮隔之  
蕃乃謝之又胡伯  
蕃公沙穆並為之後魏於尚書諸司置主事令史隋於

諸省又各置主事令史員煬帝三年並去令史之名但



曰主事隨曹閒劇而每十令史置一主事不滿十者亦  
一人雜用士人唐並用流外

令史漢官也後漢尚書令史十八人曹有三人主書後  
增劇曹三人合二十一人皆選於蘭臺符節簡練有吏

能者為之

漢官儀云能通蒼頡史籀篇補蘭臺令史滿

疏曰往時楚獄大起故置令史以助郎職而

其尚書郎

類多小人好名姦利今者務簡可皆停省

初與令史皆主文簿其職一也郎闕以令史久次者補

之光武始革用孝廉孝廉恥焉

故事尚書郎闕以令史久次補之光武始改用

孝廉為郎而孝廉丁邯稱病不就詔問實病羞為郎乎  
對曰臣實不病恥以孝廉為令史職耳帝怒杖之數十  
詔問欲為郎否邯曰能殺臣者陛下不能為郎者臣也  
中詔遣出終不能為郎又郎中袁著詣闕上書訟梁冀  
驕暴冀陰殺之學生劉常當代名儒  
素善於著冀召常補令史以辱之  
舊制尚書郎限滿

補縣長令史補丞尉尚書令鄭弘奏曰職尊賞薄多無

樂者請即補千石令史為長帝從之

蜀志董厥為府令史諸葛亮稱之曰

董令史良士也後遷至尚書令史平臺事

西晉令史朝晡詣都座朝江左唯

早朝而已又賈充為尚書令以目疾表置省事吏四人

尚書置省事自此始也其品職與諸曹令史同

姚萇國苻堅遣

僕射尹緯詣堅問事堅見其疎傑問曰卿於朕世為何官緯答曰尚書令史堅曰卿宰相才王景畧之儔也而朕失之今日之亡不亦宜乎

晉宋蘭臺寺正書令史雖行文書皆有

品秩朱衣執版孔頴為御史中丞坐鞭令史為有司所糾梁陳與晉宋同後魏令史亦朱衣執笏然謂之流外勲品北齊尚書郎判事正令史側坐書令史過事令史皆平揖郎無拜自隋以來令史之任文案煩屑漸為卑冗不參官品

開皇十五年詔州縣佐史三年一代不得重任

煬帝以四省三臺

皆曰令史九寺五監諸府衛皆曰府史于時令史得官

者甚少年限亦賒

隋牛弘常問於騎尉劉炫曰案周禮士多而府史少今令史百倍於前減

則不濟其故何也炫曰古人委任責成歲終考其最殿案不重校文不繁悉府史之任掌要目而已今之文簿常慮覆理鍛鍊苦辛甚密萬里追徵百年舊案故諺曰老吏抱案死今古不同若此之相遠也弘又曰後魏北齊之時令史從容而已今則不遑寧舍其事何由炫曰齊氏立州不過十二府行臺遞相統領文書行下不過十條今州二百其繁一也往者州唯置綱紀郡置守丞縣唯令而已其所具察則長官自辟受詔赴任每州不過數十今則不然大小之事悉由吏部纖介之迹皆屬考功其繁二也省官不如省事省事不如清心官不省而欲從容其可得乎弘

**唐武德中天下初定京師穀糴**

**貴遠人不願仕流外始於諸州調佐史及朝集典充選**

不獲已而為之遂促年限優以叙次六七年有至本司  
主事及上縣尉者自此之後遂為官途總章中詔諸司  
令史考滿合選者限試一經時人嗟異著於謠頌時閭立本  
為右相姜恪為左相立本無他才識時以善畫稱之恪累為將軍立功塞外是歲京師饑旱弘文崇賢司成三館學生並放歸本貫當時為之語曰左相宣威沙漠右相馳譽丹青三館學生放散五臺令史明經

### 行臺省總序

行臺亦曰行臺省自魏晉有之昔魏末晉文帝討諸葛誕散騎常侍裴秀尚書僕射陳泰黃門侍郎鍾會等以

行臺從至晉永嘉四年東海王越帥衆許昌以行臺自

隨是也及後魏謂之尚書大行臺別置官屬

後魏道武帝置中山

行臺以秦王儀為尚書令以鎮之孝文永熙三年以宇文泰為大行臺以蘇綽為行臺度支尚書

北齊

行臺兼統民事自辛術始焉

武定八年辛術為東南道行臺東徐州刺史郭志毅

郡守文宣聞之勅術曰江淮初附百姓難向京師留卿為行臺亦欲理邊民冤枉監治牧守自今以後所統十餘州地諸有犯法者刺史則先啟聽報以下先治後表齊代行臺兼總民事自術始也

其官置令

僕射其尚書丞郎皆隨時權制

江左無行臺唯梁末以侯景為河南王大行臺

承制如鄧禹故事

隋謂之行臺省有尚書令僕射

左右各一人

任置

主事四人有考功

兼吏部主  
爵司勳

禮部

兼祠部  
主客

膳部兵部

兼職

方

駕部庫部刑部

兼都官  
司門

度支

兼倉  
部

金部工部屯田

兼水

部虞

侍郎各一人每行臺置食貨農圃武器百工監副

各置丞

食貨四人農圃一人  
武器二人百工四人

錄事等員

食貨農圃百工  
各二人武器一

人

蓋隨其所管之道置於外州以行尚書事唐初亦置

行臺貞觀以後廢其後諸道各置採訪等使每使有判

官二人兼判尚書六行事亦行臺之遺制

尚書省第五下

# 吏部尚書

侍郎 郎中 員外郎 司勳郎中 司封郎中

郎中 員外郎

考功

## 吏部尚書

周禮天官太宰之職也漢成帝初置尚書有常侍曹主公卿事後漢改為吏曹主選舉祠

祀後又有選部靈帝以梁鵠為選部尚書魏改選部為吏部主選事晉與魏同宋時吏部尚書領吏部刑定三公比部四曹考武不欲權威在下大明二年分吏部尚書置二人以輕其任而省五兵後還置一吏部尚書順帝昇明元年又置五兵二尚書晉宋以來吏部尚書資位尤重梁陳亦然後魏北齊吏部統吏部考功主爵三曹後周有吏部中大夫一人小吏部下大夫一人領司勳上士等官屬大司馬隋吏部統吏部主爵司勳考功四曹唐龍朔二年改吏部尚書為司列大常伯咸亨初復舊光宅元年改吏部為天官神龍元年復舊天寶十



一年改為文部至德初復舊掌文官選舉總判吏部司  
封司黜考功四曹事舊令班在侍中中書令上開元令  
移在侍中中書令下尚書六曹吏部兵部為前行戶部  
刑部為中行禮工為後行其官屬自後行遷入二部者  
以為美自魏以來凡吏部官屬悉高於諸曹其選舉皆  
尚書主之自隋置侍郎貳尚書之事則六品以下銓補  
多以歸之唐自貞觀以前尚書掌五品選事至景龍中  
尚書掌七品以上選侍郎掌八品以下選至景雲元年  
宋璟為尚書始通其選而分掌之因為常例開元以前  
諸司之官兼知政事者午前議政於朝堂午後理務於  
本司自開元以來宰相多兼領之但從容衡軸不自銓綜其  
權位尤美而宰相多兼領之但從容衡軸不自銓綜其  
選試之任皆侍郎掌之尚書通署而已遂為故事或分  
領其事則列為三銓尚書掌其一侍郎分其二尚書所  
掌謂之尚書銓侍郎所掌  
其一為中銓其一為東銓

臣謹按魏延康元年陳羣為尚書始建九品官人之  
法拜吏部尚書及毛玠為之公卿無敢好衣美食者  
魏武歎曰孤之法不如毛尚書又按晉山濤為吏部  
尚書用人皆先密啟然後公奏舉無失才凡所題目  
終始如其言唯用陸亮尋以賄敗啟事曰臣欲以郗  
詵為溫令詔可尋又啟曰訪聞詵喪母不時葬遂於  
所居屋後假葬有異同之議請更選之詔曰君為管  
人倫之職此輩應為清議與不便當裁處又按後魏

自洛陽遷鄴已後掌文選知名者數四北齊文襄帝  
少年高明其蔽也疎袁淑沈密謹厚所傷者細楊愔  
風流辯給取士失於浮華唯辛術為尚書性尚貞明  
擢士以才以器循名責實新舊參舉管庫必擢門閥  
不遺前後銓衡術最為折衷甚為當時所稱又按唐  
貞觀二十二年二月文部侍郎盧承慶兼檢校兵部  
侍郎仍知五品選事承慶辭曰五品選事職在尚書  
臣今掌之便是越局太宗不許曰朕今信卿卿何不

自信由此侍郎尚書皆知五品選事又按開元四年  
六月勅其員外郎御史併餘供奉官直進名勅授自  
此不在吏部

侍郎

二人隋煬帝置說在歷代郎中篇凡六司侍郎皆  
貳尚書之事吏部初置一員唐總章元年加一員

龍朔二年改為司列少常伯咸通元年復舊分掌選部  
流內六部以下官是為銓衡之任凡初仕進者無不仰  
屬焉當選集之際勢傾天下列曹之中資位尤重初隋  
世高孝基為吏部侍郎房玄齡杜如晦與選孝基特加  
賞異後以為知人唐鄧元挺為此官不稱職甚為時談  
所鄙常患消渴選人因號為鄧渴坐此遷澧州刺史有  
能名武太后重拜為天官侍郎其弊愈甚又以許子儒  
為之子儒不以藻鑑為意其補官悉委令史時曰平配

郎中

二人周禮太宰屬官有下大夫郎其任也漢魏以來尚書屬或有侍郎或有郎中或曰尚書郎或曰

某曹郎或則兩置或為互名雖稱號不同其職一也皆

今郎中之任晉山公啟事曰吏部郎主選舉宜得能整

風俗理人倫者齊謝朓為吏部郎上表三讓說在郎官

篇又王儉為吏部郎專斷曹事又陸慧曉為吏部郎吏

部都令史歷政以來咨執選事慧曉任已獨行未嘗與

語帝遣左右以事詢問之慧曉曰六十之年不復能語

都令史為吏部郎也自過江吏部郎不復典大選又王

亮為吏部郎銓序著稱及後為吏部尚書拘資次而已

當代謂為不能又職官錄曰梁吏部郎舊視中丞遷侍

中隋初諸曹郎皆謂之侍郎煬帝三年置六司侍郎後

遂改諸曹侍郎但曰郎其吏部郎改為選部郎唐初復

為選部郎中武德五年改為吏部郎中龍朔二年改為

司列大夫咸通元年復舊掌選補流外官謂之小銓并

掌文官名簿朝集祿賜假使及文官告身分判曹事

員外郎

二人隋開皇六年置吏部員外郎一人煬帝三年改為選部承務郎武德三年復舊後加置一

人一員判廢置一員判南曹起於總章二年司列少常伯李敬元奏置未置以前銓中自勸責故事兩員轉廳至建中以後遂不轉廳貞元十一年閏八月侍郎杜黃裳奏依舊例轉廳初武太后載初元年又加一員聖歷二年八月省開元十二年四月勅兵更各專定兩人判南曹尋却一人判貞元元年九月又兩人判至十二年八月又却一員判

司封郎中

一人漢尚書有封爵之任而無其官故光武以馮勤為郎中給事郎中使典諸侯封事勤

量功次輕重國土遠近地勢豐薄不相踰越莫不厭伏焉自是封爵之制非勤不定晉尚書有左右主客曹北齊河清中改為主爵置郎中一人屬吏部主封爵之事隋初為主爵侍郎煬帝改為主爵郎武德初為主爵郎

中龍朔二年改為司封大夫咸亨元年復舊光宅元年改為司封郎中掌封爵皇室枝族及諸親內外命婦告身及道士女冠等天寶八載十一月勅道士女冠籍每十載一造永為常式至德二年十一月勅道士女冠等宜依前屬司封曹

員外郎

一人隋文帝置煬帝改為主爵丞務郎唐武德初改為主爵員外郎其後曹改而官不易也

司勳郎中

一人周禮夏官有司勳上士掌六卿賞地之法凡有功者司勳詔之歷代無聞至後周吏

部有司勳上士一人掌六勳之賞以等其功如古之主爵隋文帝置司勳侍郎煬帝改為司勳郎永徽五年十二月四夜司勳庫失火甲厯並盡龍朔二年改為司勳大夫咸亨初復故掌校定勳績論官賞勳官告身等事

員外郎

二人隋文帝置煬帝改司勳丞務郎唐武德初為司勳員外郎

# 考功郎中

一人漢明帝時京房作考功課吏之法然無其職至光武改尚書三公曹主歲書考課

諸州郡魏尚書有考功定課二曹宋元嘉三年又置功論郎並其任也列在吏部郎中篇後魏考功郎掌考第孝秀北齊考功郎中亦掌考第及孝秀貢士隋文帝置考功侍郎煬帝改為考功郎唐武德初復為考功郎中龍朔二年改考功為司績咸通初復舊掌考察内外百官及功臣家傳碑頌誌等事

# 員外郎

一人隋文帝置煬帝改考功承務郎唐武德初復為考功員外郎其後曹改而官不易武德舊

令考功郎中監試貢舉人貞觀以來乃以員外郎專掌貢舉至開元二十四年移貢舉於禮部而考功員外郎分判事而已

# 戶部尚書

侍郎 郎中 員外郎 度支郎中 員外郎 倉部



郎中 員外郎

戶部尚書

周禮地官大司徒之職也漢置尚書郎四人其一主財帛委輸至魏文帝置度支尚書寺

專掌軍國支計吳有戶部孫休初即位戶部尚書階下讀奏晉有度支時杜預為度支尚書內以利民外以備邊張華為度支尚書量計運漕決定廟算皆主算也宋齊度支尚書領度支金部倉部起部四曹梁亦有之後魏度支亦掌支計崔亮為度支尚書經營費用歲減億計北齊度支統度支倉部左戶右戶金部庫部六曹後周置大司徒卿一人如周禮之制其屬有民部中大夫二人掌承司徒教以籍帳之法贊計人民之衆寡隋初有度支尚書則併後周民部之職開皇三年改度支為民部統度支民部金部倉部四曹唐修隋志謂之戶部蓋以太宗之諱故也唐實自永徽初始改民部為戶部以太宗在位詔官名及公私文籍有世民兩字不相連

者並不諱至高宗始諱之顯慶元年改戶部為度支龍朔二年改度支尚書為司元太常伯咸亨元年復為戶部尚書初戶部居禮部之後武太后改置天地四時之官以戶部為地官由是遂居禮部前神龍元年復改地官為戶部總判戶部金部度支倉部事

臣謹按漢成帝初置尚書有民曹主凡吏民上書悉經此曹理之後漢光武改民曹主繕修功作鹽池苑園魏置左民尚書晉惠帝又加置右民尚書至于宋齊梁陳皆有左民尚書而後魏有左民右民等尚書多領工官非今戶部之例而梁陳兼掌戶籍此則略

同自周隋有民部始為今戶部之職

侍郎

二人蓋周官小司徒中大夫也後周依周官隋煬

帝置民部侍郎唐因之後改曰戶部龍朔二年改

為司元少常伯咸亨元年復為戶部侍郎他時曹名或

改而官不易舊制一員長安四年加一員神龍元年減

二年  
復加

郎中

二人漢尚書郎一人主戶口墾田吳時張溫為尚

書戶曹郎魏有民曹郎晉分為左右民曹宋齊以

下或為左民或為左戶後魏有左戶曹郎北齊有左右

民曹例在吏部郎中篇隋初為戶部侍郎煬帝除侍字

隋末改為民部郎唐武德初為民部郎中龍朔二年改

郎中為大夫咸通元年復舊他時曹名或改而官號不

易掌戶口籍帳賦役考義優復蠲免婚姻繼嗣百官衆

庶園宅口分永業等建中二年正月戶部侍郎判度支

杜佑奏天寶以前戶部民繁所以郎中員外各二人判書自兵興以後戶部事簡度支事繁唯郎中員外各一人請迴輟郎中員外各一人分判度支案待天下兵革息却歸本曹從之

員外郎

二人隋文帝置煬帝改丞務郎唐武德三年復為員外郎

度支郎中

一人漢初張蒼善算以列侯主計居相府領郡國上計者謂之計相殆今度支之任魏有

度支尚書晉宋齊梁陳後魏並有隋初為度支侍郎煬帝除侍字唐武德初加中書龍朔二年改度支為司度大夫咸亨元年復舊掌支使國用至德以後戎事費多二年十二月呂諲為兵部侍郎平章事充度支使寶應元年正月劉晏為戶部侍郎度支使二年二月韓滉以宰相加度支使五月二日寶參為中書侍郎平章事度支使自後雖無亦有他官判或云權判亦云專判

員外郎

一人改置與戶部員外郎同

金部郎中

一人周官有職金掌金玉錫石丹青之令魏尚書有金部郎歷代多有之北齊金部主裁

量尺度內外諸庫藏文帳隋祖孝徵薦盧昌衡為尚書金部郎每謂人曰吾用盧子均為尚書郎真無愧幽明矣隋初為金部侍郎煬帝除侍字唐武德中加中字龍朔二年改金部為司珍大夫咸亨初復舊掌庫藏金寶貨物權衡度量等事自開元二年置鑄錢使皆以他官為之年

員外郎

一人改置與戶部員外郎同

倉部郎中

一人周官有倉人主藏九穀又有廩人主藏九穀之數賙賜稍食魏尚書有倉部郎後魏

太倉尚書亦其任也故後魏書曰李訢為太倉尚書攝南部事令千里之外戶別轉運詣倉輸之所在委積延

停歲月大為困弊晉宋以來歷代多有倉部曹皆掌倉廩之事後周有地官屬司倉下大夫隋初為倉部侍郎煬帝除侍字唐武德中加中字龍朔二年改倉部為司庾大夫咸亨初復舊天寶中改為司儲至德初復舊掌諸倉廩之事開元十六年以後置出納使皆以他官為之

員外郎

一人改置與戶部員外郎同

禮部尚書

侍郎

郎中

員外郎

祠部郎中

郎中

員外郎

膳部郎中

員外郎

主客

禮部尚書

唐虞之時秩宗典三禮周禮春官大宗伯掌建邦之天神人鬼地祇之禮漢成帝置尚書

五人其四曰客曹主外國夷狄事後漢尚書吏部兼掌齋祀亦其職也魏尚書有祠部曹及晉江左有祠部尚

書掌廟祧之禮常與右僕射通職不常置以右僕射攝之歷代皆與右僕射通職宋祠部尚書領祠部儀曹二曹齊梁陳皆有祠部尚書後魏為儀曹尚書北齊祠部尚書統祠部主客虞部屯田起部五曹又有儀曹主吉凶禮制屬殿中尚書後周置春官卿又有禮部而不言職事後改禮部為宗伯又春官之屬有典命掌内外九族之差及王帛衣服之令沙門道士之法後改典命為大司禮俄改大司禮復為禮部謂之禮部大夫至隋置禮部尚書統禮部祠部主客膳部四曹蓋因後周禮部之名兼前代祠部儀曹之職唐龍朔二年改禮部尚書為司禮太常伯咸亨元年復舊光宅元年改禮部為春官神龍元年復舊總判祠部禮部膳部主客事

侍郎

一人周官春官小宗伯今侍郎則隋煬帝置唐因之龍朔二年改為司禮少常伯咸亨元年復舊他

時曹名或改而官號不易掌策試貢舉及齋郎弘崇國子生等事舊制考工員外郎掌貢舉開元二十二年考

工員外郎李昂為進士李權所詆朝議以考工位輕不足  
以臨多士至二十四年遂以禮部侍郎掌焉開元天  
寶之中昇平既久庶士務進天下髦彥由  
其取捨故勢傾當時資與吏部侍郎等同

郎中

一人周官春官肆師下大夫亦頗同今任魏尚書  
有儀曹郎掌吉凶禮制歷代多有例在吏部郎中

篇宋齊儀曹屬祠部梁書曰武帝謂徐勉云今帝業初  
基須一人有學藝解朝儀者為尚書儀曹郎勉曰孔休  
源識見清通詳練故事自晉宋起居注畧調遂拜為儀  
曹郎後周依周官隋初為禮部侍郎煬帝除侍字又改  
為儀曹郎唐武德初改為禮部郎中龍朔二年改為司  
禮大夫咸亨初復舊其後曹名或改而官號不易掌禮  
樂學校儀式制度衣冠符印表疏冊  
命祥瑞鋪設喪葬贈賻及宮人等

員外郎

一人周禮肆師上士後周依焉至隋文帝置禮  
部員外郎煬帝改為儀曹承務郎唐武德三年



復舊其後曹  
改而官不易

祠部郎中

一人魏尚書有祠部郎歷代皆有主禮制後魏裴修為中大夫兼祠部曹祠部曹主禮樂

每有疑議修撰斟酌故實咸有條貫後周有典祠中大夫隋初為侍郎煬帝除侍字唐武德中加中字龍朔二年改為司裡大夫咸亨元年復舊延載元年五月制天下僧尼隸祠部不須屬司賓開元十一年改祠部為職祠至德初復舊掌祠祀天文漏刻國忌廟諱卜祝醫藥等及僧尼簿籍自天寶六載及至德三年常置祠部使以他官為之

員外郎

一人改置興戶部員外郎同

膳部郎中

一人膳部於周官即膳夫凌人二職也晉尚書有左士右士曹後魏都官尚書管左士郎

北齊改左士為膳部郎掌侍官百司禮食肴饌屬都官尚書後周有膳部大夫一人亦掌飲食屬大冢宰隋膳部屬祠部初置侍郎煬帝除侍字唐武德中加中字龍朔二年改為司膳至德初復舊掌飲膳藏冰及食料

員外郎

一人改置與戶部員外郎同

主客郎中

一人漢成帝初置五尚書有客曹主外國夷狄後漢光武改為南主客北主客二曹魏

亦有南主客晉氏分為左右南北四主客或單為客曹宋齊梁陳單有主客後魏吏部管南主客祠部管左主客北齊改左主客為主爵南主客為主客隋初為侍郎煬帝除侍字尋又改為司籍郎唐武德初改為主客郎中龍朔二年又改主客為司藩咸亨元年復舊掌二王後及諸藩朝聘

員外郎

一人改置與戶部員外郎同

兵部尚書

侍郎

郎中

員外郎

職方郎中

庫部

郎中

員外郎

駕部郎中

員外郎

兵部郎中

周禮夏官大司馬之職也魏置五兵尚書五兵謂中兵外兵騎兵別兵都兵也晉初無太

康中乃有之而又分中兵外兵各為左右與舊五兵為七曹然尚書唯置五兵而已無七兵尚書之名後魏始有七兵尚書今諸家或謂晉太康中置七兵尚書誤矣宋五兵尚書唯領中兵外兵二曹餘則無矣齊梁陳皆有之後魏為七兵尚書北齊為五兵統五曹曰左中兵掌諸都督告身諸宿衛官曰右中兵掌畿內丁帳事諸兵力士曰左外兵掌河南及潼關以東諸州丁帳及發召諸兵曰右外兵掌河北及潼關以西諸州所典與左外兵同曰都兵掌鼓吹大樂部小兵等事後周置大司馬其屬又有兵部中大夫小兵部下大夫其職並闕至

隋乃有兵部尚書統兵部職方駕部庫部四曹蓋因後周兵部之名兼前代五兵之職唐龍朔二年改兵部尚書為司戎太常伯咸亨元年復舊光宅元年改為夏官神龍元年復舊天寶十一年改為武部至德初復舊掌武官選舉總判兵部職方駕部庫部事其分領選舉亦為三銓制如吏部尚書所掌謂之尚書銓侍郎所掌其一為中銓其一為西銓各有印

侍郎

二人隋煬帝置唐因之龍朔二年改為司戎少常伯咸亨元年復舊他時曹名或改而官不易舊制

一員總章元年加一員掌署武職武勳官三衛及兵士以上簿書朝集祿賜假使差發配親士帳內考覈及給武職告身

郎中

二人歷代兵部曹皆有郎見尚書中或單為郎或置郎中例在吏部郎中篇隋初為兵部侍郎煬帝

除侍字入改為兵曹郎唐武德三年改為兵部郎中龍朔二年改為司戎大夫咸亨元年復舊掌與侍郎同

員外郎

二人隋文帝置兵部員外郎煬帝改為兵曹承務郎唐武德三年復舊其後曹改而官不易

職方郎中

一人周禮夏官有職方氏掌天下之圖下九州之國歷代無聞至後周依周官隋初有職

方侍郎煬帝除侍字唐武德中加中字龍朔二年改為司城大夫咸亨元年復舊掌地圖城隍鎮戍烽候防人

路程遠近

歸化酋渠

員外郎

一人周官夏官職方上士從周依周官隋改置與戶部員外郎同

駕部郎中

一人周禮夏官之屬有輿司馬之職是其任也魏晉尚書有駕部郎宋時駕部屬左民尚

書齊亦有之後魏與北齊並曰駕部郎中後周有駕部中大夫屬夏官隋初為駕部侍郎屬兵部辛公義為駕

部侍郎勾檢馬牧所獲千餘萬匹文帝喜曰唯我公義奉國竭忠煬帝除侍字唐武德三年加中字龍朔二年改為司興大夫咸亨初復舊天寶中改駕部為司駕至德初復舊掌輿轎車乘郵驛廐牧司牛馬驢騾調遣之政開元十八年閏六月勅比來給傳使人為先傳馬事頗勞煩自今以後應乘傳者宜給紙券二十三年七月勅新除都督勅史并闕三官州上佐並給驛發遣二十年六月勅有陸驛處得置水驛自二十年以後常置館驛使以他官為之

員外郎

一人周官有興上士後周有小駕上士蓋其任也至隋置與戶部同

庫部郎中

一人周官有司甲掌戈盾矢之長各辨其物以待軍事魏尚書有庫部郎晉因之宋庫

部主兵仗文帝宴會有荒服外歸化人帝問尚書庫部郎顧琛曰庫中仗有幾許琛詭對曰有十萬人仗舊武

庫仗多祕不言帝既失問及琛詭對善之歷代或有或  
闕後魏北齊庫部屬度支尚書掌凡戎仗器用後周有  
武藏中大夫隋屬兵部初為庫部侍郎煬帝除待字唐  
武德中加中字龍朔二年改為司庫大夫咸亨初復舊  
後天寶十一載又改庫部為司庫至德初  
復舊掌軍器儀仗鹵簿法式及乘具等

員外郎

一人周官有司兵中士後周有小  
武藏下大夫隋改置與戶部同

刑部尚書

侍郎 郎中 員外郎 都官郎中  
員外郎 比部郎中 員外郎 司門

郎中 員外郎

刑部尚書

唐虞之時士官以正五刑周禮秋官大司寇  
之任也漢成帝時尚書初置二千石曹主郎

國二千石又置三公曹主斷獄後漢光武改三公曹主  
歲盡考課諸州郡政二千石曹掌中都官水火盜賊辭

訟罪法亦謂之賊曹重於諸曹魏晉以來始重吏部魏  
青龍二年置尚書都官郎佐督軍事晉復以三公尚書  
掌刑獄宋三公比部符主刑法又置都官尚書主軍事  
刑獄領都官水部庫部功論四曹齊梁陳並有都官尚  
書後魏亦有都官尚書北齊都官統都官二千石比部  
水部膳部五曹又有三公曹掌諸曹因帳斷罪赦日建  
金鷄等事又掌五時讀時令屬殿中尚書後周有秋官  
大司寇卿掌刑邦國其屬官又有刑部中大夫掌五刑  
之法隋初有都官尚書開皇三年改都官為刑部尚書  
統都官刑部比部司門四曹亦因後周之名唐因之龍  
朔二年改刑部尚書為司刑太常伯咸亨元年復舊武  
太后改刑部為秋官神龍初復舊天寶中改為憲部至  
德初復舊總判刑部

都官比部司門事

侍郎

一人周官小司寇中大夫蓋今任也後周依周官  
至隋煬帝置刑部侍郎唐因之龍朔二年改為司



刑少常伯咸亨元年復舊他時曹名或改而官號不易掌律令定刑名及諸州應奏之事

郎中

二人周官大司寇屬官有士師下大夫蓋今任也漢尚書有三公曹後漢有二千石曹魏有都官曹

皆掌刑法獄訟之事歷代沿革具尚書中或為侍郎或置郎中例在吏部郎中篇後周有小刑部下大夫屬秋官府隋初置刑部侍郎煬帝除侍字又改憲部郎唐武德三年改為刑部郎中龍朔二年改為司刑大夫咸亨元年復舊與侍郎同

員外郎

二人隋文帝置刑部員外郎煬帝改為憲部丞務郎唐武德三年改為刑部員外郎其後曹改

而官不易

都官郎中

一人漢司隸校尉屬官有都官從事掌中都官不法事後漢又改尚書二千石曹掌中都

官水火盜賊魏青龍二年始置尚書都官郎佐督軍事  
晉宋尚書都官兼主刑獄歷代事具尚書中其官例在  
吏部郎中注後周則曰司厲隋初為都官侍郎掌簿錄  
配沒官私奴婢良賤訴競俘囚等事煬帝除侍字置員  
外二人唐武德二年加中字減一人龍  
朔二年改為司僕大夫咸亨元年復舊

員外郎

一人周官曰司厲下士蓋並今任也後周依焉隋改置與戶部同

比部郎中

一人魏尚書有比部曹晉因之宋時比部主  
法制齊梁陳皆有比部曹後魏亦然北齊掌

詔書律令勾檢等事後周曰計部中大夫蓋其任也隋  
初為比部侍郎煬帝除侍字唐武德中加中字龍朔二  
年改為司計大夫咸亨元年復舊天寶十一載又改比  
部為司計至德初復舊掌內外諸司奉料公廨及公私  
債負徒役功程贓贖  
物帳及勾用度物

員外郎

一人改置與戶部員外郎同

司門郎中

一人周禮地官有司門下大夫掌授管銑啟閉歷代多闕至後周依周官隋初有司門侍

郎煬帝除侍字唐武德三年加中字龍朔二年改為司門大夫咸亨元年復舊掌門籍關橋及道路過所關遺事物事

員外郎

一人周官有司門上士後周依焉後改置與戶部同

工部尚書

侍郎 郎中 員外郎 屯田郎中 員外郎 虞部郎中 員外郎 水部

郎中 員外郎

工部尚書

周禮冬官其屬有考功掌百工之事曰國有六職百工是其一焉漢成帝初置尚書有民

曹主凡吏民上書後漢光武改民曹主繕修功作鹽池園苑之事魏置左民尚書亦領其職晉宋以來有起部尚書而不常置每營宗廟宮室則權置之事畢則省以其事分屬都官左民二尚書北齊起部亦掌工造屬祠部尚書後周有冬官大司空卿掌五材九範之法其屬有工部中大夫二人承司之事掌百工籍而理其禁令至隋乃有工部尚書統工部屯田二曹蓋因後周工部之名兼前代起部之職唐龍朔二年改工部尚書為司平太常伯咸亨元年復舊武太后改工部為冬官神龍初復舊總判工部屯田虞部水部事

侍郎

一人隋煬帝改置工部侍郎唐因之龍朔二年改司平少常伯咸亨元年復舊他時曹名或改而官

不易掌興造工匠諸公廨

屋宇五行并紙筆墨等事

郎中

一人晉尚書有起部曹歷代皆有具尚書中書初為工部侍郎煬帝除侍字又改為起部郎唐武德

二年改為工部郎中龍朔二年改為司平大夫咸亨元年復舊其後曹名改而官不易所掌與侍郎同

員外郎

一人隋文帝置工部員外郎煬帝改為起部承務郎唐武德三年復為工部員外郎其從曹改

而官

不易

屯田郎中

一人漢成帝置尚書郎四人其一人主戶口壑田蓋尚書屯田郎之始也至魏尚書有農

部郎又其職也晉始有屯田郎中及太康中謂之田曹後復為屯田江左及宋齊則左民郎中魚知屯田事梁陳則曰侍郎後魏北齊並為屯田郎隋初為屯田侍郎魚掌儀式之事煬帝除侍字唐武德三年加中字龍朔二年改為司田大夫咸亨元年復舊掌屯田官田諸司公廨官人職分賜田及官園宅等

員外郎

一人改置與戶部員外郎同

虞部郎中

一人虞部蓋古虞人之遺職至魏尚書有虞曹郎中晉因之梁陳曰侍郎後魏北齊虞曹

掌地圖山川近遠園圃田獵雜味等並屬虞部尚書後周有虞部下大夫一人掌山澤草木鳥獸而蕃阜之人有小虞部並屬大司馬隋初為虞部侍郎屬工部煬帝除侍字唐武德中加中字龍朔二年改司虞大夫咸亨元年復舊天寶十一載又加虞部為司虞至德初復舊掌京城街巷種植山澤苑囿草木薪炭供須田獵等事

員外郎

一人隋初置與戶部員外郎同唐龍朔以後曹名改而官不易也

水部郎中

一人周禮夏官有司險掌設國之五溝五塗而達其道路蓋其職也魏尚書有水部郎中

代或置或否後魏北齊有水部屬都官尚書亦掌舟船津梁之事後周有司水大夫隋初為水部侍郎屬工部煬帝除侍字唐武德三年加中字龍朔二年改為司川大夫咸亨元年復舊天寶中改水部為司水至德初復

舊掌川瀆津濟船艦浮橋渠  
堰魚捕運漕水碾磴等事

員外郎

一人後周小司水上士隋改置與戶部員外郎同唐龍朔二年以後曹名改而官不易



通志卷五十三



總校官庶吉士

臣

侍

朝

校對官編修

臣

閔惇大

膳錄貢生

臣

王廷樞